



La Géorgie

Indépendante

Revue mensuelle

OCTOBRE

1932—N° 82

ოქტომბერი

1932 წ.

№ 82

# დავით აღმაშენებლის

საქართველოს პოლიტიკური პარტიების დროგანდ.

## მ ი ნ ა ა რ ს ი:

მეთაური—ერთა ლიგის კრიზისი.  
 მ. მუსხელიშვილი—ფედერალური ფინ. და ჯარი.  
 Louis Le Fur—საქარ. და საერთაშორ. უფლება.  
 მ.—ანი—გერმანელი ქართველებზე და საქ. 1862 წ.  
 ანტერბეიჯანის ეროვნული ბრძოლა.

ეროვნული მოძრაობა მაკმადიანთა შორის.  
 N.—პარიზის ქართველ საზოგადოებაში.  
 საქართველოს ამბები.  
 მოძრაობა კავკასიაში.  
 პრესა.

## მ რ თ ა ლ ი გ ი ს კ რ ი ზ ი ს ი

ვინ არ მეტყველებს ეხლა ერთა ლიგის კრიზისზე, ზოგი შიშით, ზოგი დაცინვით? არიან-ისეთნიც, ვინც «სულთა თანას» უგალობს და ერთ მუქა მიწას აყრის ვითომ და მის დასაფლავებულ გვამს.

ჩვენ არ ვაპბობთ მოსკოვზე, რომლის სიძულვილი უენევისადმი ცნობილია, და იმავე დროს ვისი დელეგატები ასე ხშირათ დაძრწიან იქ! არა, თვით ერიოსა და მაკდონალდ-შორისაც კი დაისვა არაპირდაპირ კითხვა, გერმანიასთან დავის გამო, განიარაღების კონფერენციის ირგვლივ. მაკდონალდი ფიქრობდა სიმძიმის ცენტრი უენევიდან ლონდონში გადაეტანა, ხოლო ერიო ამას ეწინააღმდეგებოდა, და მას ზურგს უმაგრებდნ თითქმის ყველა პატარა და საშუალო სახელმწიფონი, წევრნი ერთა ლიგისა. ბოლოს შეჩერდნ ისევ უენევაზე, მაგრამ გერმანიამ არ მოისურვა იქ დელეგატების გაგზავნა, მაშასადამე, უნდობლობა გამოუცხადა მის საერთაშორისო დაწესებულებას.

და ამით ისიც დაამტკიცა მან, რომ ერთა ლიგა ცოცხალია, არ მომკვდარა! მაკდონალდმა, ინგლისის პრემიერმა, სიტყვაც კი წარმოთქვა იქვეების გასაფანტავათ: ერთა ლიგას ჩვენ დიდის იმედებით შევყურებთ, აზრადაც არ მოგვსვლია მისთვის ზურგის შექცევა.

მაგრამ ეს ლაღადი განა უარყოფს კრიზისს? არა, რასაკვირველია, რაიცა ყველაზე უკეთ ცხად ჰყო ერთა ლიგის წლევანდელმა ყრილობამ: არც ერთი

დიდი კითხვა, არც აწეული დებატები, დარბაზი ნახევრათ ცარიელი, ისე ჩატარდა, მაყურებელს ძილსა გვრიდა.

მაშ რაშია საქმე, რა მოხდა? არაფერი, გარდა იმისა, რომ გაზვიადებული იმედები გაქარწყლდა და მათი ადგილი უღმობელმა სინამდვილემ დაიჭირა.

გაიხსენეთ, როგორ იშვა ერთა ლიგა. დიდ ომში გამარჯვებული კლემანსო და ლოიდ ჯორჯი ზავსა სწერდნ, ხოლო ვილსონი, სამარადისო მშვიდობიანობის მოტრფიალე, ერთა ლიგის პაქტს აკერებდა საზავო ხელშეკრულებას. როგორ შეიძლებოდა ამ ორი დოკუმენტის შეგუება, შეთვისება? ერთის მხრით, უმკაცრეს საზავო პირობების კარნახი, მეორეს მხრით, მშვიდობიანობა! ამას ზედ დაურთეთ ამერიკის უარი ვერსალის ზავის ხელის მოწერაზე, რაიცა პირველი ლახვარი იყო ვილსონის პირმშო ერთა ლიგისთვის.

ჩვენ არა ერთხელ გვითქვამს აქვე, თუ რა საშინელი შედეგები მოჰყვა დიდ ომს, მათ ებრძოდნ და ებრძვიან, თავი კი ვერ დაუღწევიათ. მართალია, ერთა ლიგამ ბრიანის ხანაც განვლო, როცა ლოკარნო დაიწერა და გერმანია ერთა ლიგის წევრი გახდა. რა დიდი აღტყინება გამოიწვია ამ ამბავმა, ასე გვეგონებოდათ მშვიდობიანობის სასუფეველში შევედითო! მაგრამ სინამდვილე უფრო მკაცრი აღმოჩნდა, და რაც ყველაზე საინტერესოა, სათავე ისევ ვერსალის ზავი გამოდგა! გერმანია ამ ზავს იმოწმებს, როცა



სამხედრო თანასწორობას მოითხოვს: როცა მე გან-  
 მაიარაღით, დამპირდით, რომ თქვენც განიარაღდებ-  
 ბით, ინებეთ შეასრულეთო. მართლაც, ვერაფერს უა-  
 რყოფს, რომ ერთა ლიგის პაქტს განიარაღება დაე-  
 დო საფუძვლად, ამისათვის მოიწვიეს კიდევ კონფე-  
 რენცია.

მეორე დიდი მოვლენა, რომლის წინაშე შედრკა  
 ერთა ლიგა, არის ჩინეთ იაპონიის კონფლიქტი. არ  
 შეიძლება ითქვას, რომ ყენევა გულგრილათ შეჰყუ-  
 რებდა მას, პირიქით, ხელი შეუწყო ომის ჩაქრობას,  
 გააგზავნა საანკეტო კომისია ადგილობრივ და მის  
 მოხსენებას შემდეგ თვეში განიხილავს. რა უნდა შე-  
 სძლებოდა ამის მეტი? არაფერი, მაგრამ სკეპტიკნი  
 და დამცინავნი არ სცხრებიან: ერთა ლიგამ ვერაფე-  
 რი გააკეთა, არაფრათ ღირებულა, დროა წესი ავუ-  
 გოთო.

დავაკვირდეთ უფრო ახლო საგანს. ერთა ლიგას  
 არ აბადია არავითარი ფიზიკური ძალა, რომ თავის  
 დადგენილებანი სისრულეში მოიყვანოს. კიდევ მე-  
 ტი, მას არ შეუძლია, პაქტის ძალით, დადგენილებაც  
 მიიღოს, თუ მას არ მიემხრო ყველა მისი წევრი. მაშ  
 როგორ გნებავთ, რომ ის ღირსეულათ გაუძღვეს სა-  
 ქმეს, მოავგაროს საერთაშორისო გართულებანი?  
 მართალია, ლიგამ დაამოშინა არა ერთი და ორი  
 კონფლიქტი, მაგრამ ამ შემთხვევაში საქმე ჰქონდა  
 პატარა სახელმწიფოებთან; რაც შეეხება დიდებს,  
 მათზე რჩევები და სენტენციები არ მოქმედებს.

და აი აქ ისმის პრინციპიალური კითხვა: მიეცეს  
 თუ არა ერთა ლიგას ხე-სახელმწიფოებრივი უფლება  
 და საშუალებაც მის გასანადგებლათ, ან სხვა სიტ-  
 ყვებით, შეეკვეცოს თუ არა თვითეულ სახელმწიფოს  
 უზენაესობა ერთა ლიგის სასარგებლოთ? პაქტი სა-  
 ხავს თვითეულ სახელმწიფოს უზენაესად და იმავე  
 დროს აკისრებს ლიგას ისეთ მოვალეობას, რომლის  
 შესრულება მხოლოდ ამ უზენაესობის შეკვეცით შე-  
 იძლება. აი, ძირითადი წინააღმდეგობა.

როგორ შეიძლება ამ კვანძის გასნა? მხოლოდ  
 სახელმწიფოთა დემოკრატიზაციით, სინამდვილეში  
 კი ჩვენ ვამჩნევთ სხვადასხვა სახის დიქტატურის გა-  
 ჩენას. აქამდის ერთა ლიგის სისუსტეს იმ გარემოე-  
 ბას აწერდენ, რომ მასში წარმოდგენილი იყვნენ მთა-  
 ვრობანი და არა ერთი პარლამენტის სახით; ესლა  
 ამას ემატება ისიც, რომ მთავრობანი ხშირათ დიქ-  
 ტატორის უბრალო ტიკინები არიან, ერთა ლიგას  
 ზევიდან დაბლა დაჰყურებენ და მხათ არიან მთლათ  
 დატოვონ ის, თუ აწყენინეს. იაპონია, მაგ., გასვლით  
 იმუქრება, თუ ლიგა ლორდ ლიტონის კომისიას გა-  
 ჰყვა ფაქტების დაფასებაში და დასკვნებში.

შეიძლება ითქვას, ერთა ლიგა გარდატეხის ხანა-  
 შია, მისი ყოფნა-არყოფნა დამოკიდებულია იმაზე,  
 შესძლებენ თუ არა ცალკე სახელმწიფონი დასძლიონ  
 შინაური კრიზისი, შემოიღონ ნამდვილი ხალხოსნუ-  
 რი მართველობა და, როგორც შედეგი, განამტკიცონ  
 ერთა შორის სოლიდარობა. ერთა ლიგა მხოლოდ  
 არსებულ ვითარების გამომხატველია, რამდენათ  
 ძლიერია ერთა სოლიდარობა, იმდენათ ნაყოფიერია  
 და ავტორიტეტი ლიგის მუშაობა, და წინაუკმო.

ერთა ლიგის ერთი დიდი ღირსება იმაში მდგო-  
 მარეობს, რომ მის მუშაობაში მონაწილეობას იღე-  
 ბენ ყველა სახელმწიფონი, თვით არა-წევრნი, როგო-  
 რიცაა შეერთებული შტატები და საბჭოთა კავშირი,  
 იძულებული არიან დაესწონ მის მიერ მოწვეულ  
 კონფერენციებს. პასუხისმგებელ სახელმწიფო მო-  
 ღვაწეთა ეს ხშირი შეხვედრები, აზრთა გაცვლა გამო-  
 ცვლა, საჯარო დებატები ჰქმნიან ისეთ ხელსაყრელ  
 ატმოსფერას, რომლის მზგავსი ომის წინ არ იცოდენ.  
 თუ პაქტი ჯერ კიდევ ბევრ გაუმჯობესობას მოით-  
 ხვავს, თუ ლიგას არ მოეპოება საშუალება თავის  
 დადგენილებანი სისრულეში მოიყვანოს, სამაგიე-  
 როთ ის ხდება საერთაშორისო თანამშრომლობის  
 მუდმივ ცენტრად. აქედან, რაც დრო გადის, ლიგა  
 უნდა იქცეს საერთაშორისო სამართლიანობის და  
 კანონიერების სინილისად. ლიგა ჰქმნის საზოგადო  
 აზრს ამა თუ იმ მოვლენაზე, მას ანგარიშს უწევენ  
 და შორს არაა ის დრო, როცა მის წინააღმდეგ მოქმე-  
 დება დაუსჯელათ არავის ჩაუვლის.

ხვით ვახსენეთ გაკვირით, თუ როგორის თავდა-  
 დებით იცავენ პატარა და საშუალო ერნი ყენევის  
 პრესტიჟს, ისინი მხათ არიან თავიანთი უზენაესობაც  
 კი შეზღუდონ, ოღონდ ლიგა უძლიერეს საერთაშო-  
 რისო ფაქტორად იქცეს, ერთგვარ არბიტრად ერთა  
 შორის ყოველ გართულებათა მოსაწესრიგებლათ. ეს  
 თავის თავათ გასაგებია, რადგან ვერც ერთი პატარა  
 ერი, რა რიგ კარგათ არ იყოს მოწყობილი მისი თავ-  
 დაცვის საქმე, ვერ შესძლებს მეზობელ დიდ-სახელ-  
 მწიფოს სამხედრო ძალთა მოგვრებას. ამიტომ მისი  
 იდეალია ისეთი საერთაშორისო ორგანოს შექმნა,  
 რომელიც დაიცავს მას უცხო დარბევისაგან; ამიტომ  
 ეკედლება ის, სხვათა შორის, განიარაღებასაც, რად-  
 გან სამხედრო ხარჯები მძიმე ლოდადაწვება მის ბიუ-  
 ჯეტს და აფერხებს მის ყოველმხრივ განვითარებას.

ერთა ლიგის 3 ოქტომბრის სხდომა, მისი თავმ-  
 ჯდომარის პოლიტისის სიტყვით, ისტორიული თა-  
 რილია, ამ დღეს მიიღეს ლიგაში ირაკის სამეფო,  
 რამაც დიდი აღტაცება გამოიწვია. მართლაც, ინგ-  
 ლისის მანდატის ქვეშ მყოფი არაბთა პატარა სამე-





ფა მესობრამიაში დღეს სრულიად დამოუკიდებელ სახელმწიფოდ არის აღიარებული. აქ ორ მონენტს უნდა მიექცეს ყურადღება: ერთის მხრით, მანდატის გაუქმება თვით მანდატორის ნებაცოდლობით, მეორეს მხრით, დამოუკიდებლობის ცნობა არა ცალკე სახელმწიფოთა, არამედ მთელი მათი კრებულის მიერ, რიცხვით 55!

მაგრამ არის მესამე მომენტიც, გაცილებით უფრო საყურადღებო. სანამ მიიღებდენ, ბევრ სხვა და სხვა პირობაზედ მოაწერინეს ირაკს ხელი: ეროვნულ და სარწმუნოებრივ უმცირესობათა უფლების ცნობა, დადებულ ხელშეკრულებათა დაურღვევლობა, ლიგის ჩარევა, ვინიცობა ირაკს კონფლიქტი მოუხდეს მეზობელ სახელმწიფოებთან და სხ. როგორც ხედავთ, აქ აშკარათ სახელმწიფო უზენაესობის შეზღუდვაა, მაგრამ რომელი პატარაერი არ ინატრის მას? ერთა ლიგა ეუბნება ირაკს, თუ მეზობლებთან კონფლიქტი მოგიხდა, მე ჩავერევიო, რაიცა ნამდვილათ დახმარებას ნიშნავს. ან კიდევ აიღეთ თავდაცვის ხელშეკრულება, რომელიც ირაკმა დასდო ინგლისთან 1930 წ. 30 ივნისს,—განა შეშლილი არ უნდა იყოს ირაკი, რომ ის დაარღვიოს?

შეადარეთ ეხლა მანდატორ ინგლისის ქცევა მოსკოვის სივრავეს. საქართველოც სწორეთ სახელმწიფოთა კრებულის, მოკავშირეთა უმაღლეს საბჭოს მიერ იქნა ცნობილი (ინგლისი, საფრანგეთი, იტალია, ბელგია, იაპონია) და მისი დაშვება ერთა ლიგაში მხოლოდ გადადებული იყო ერთი წლით, როგორც ბალტიის რესპუბლიკების. ამ დროს ქუროდულათ ეპარება ჩრდილო ბარბაროსი და ახრჩობს მის თავისუფლებას! მეორეს მხრით, საქართველოს საკითხი მუდამ წესრიგშია ქვევაში; თანახმათ ლიგის დადგენილებათა 1922 და 1924 წ.წ.

ამ რიგათ, ერთა ლიგას პატარა ერებისთვის განუზომელი მნიშვნელობა აქვს. შეიძლება ითქვას, მთელი მათი მომავალი ყენვის საერთაშორისო დაწესებულების გამაგრება-განმტკიცებისაგან არის დამოკიდებული.

დღეს ლიგა კრიზისის განიცდის, მაგრამ, როგორც ზოგიერთნი ამბობენ, ეს მხოლოდ ზრდის ტკივილებია, გაივლის დრო, არც ისე დიდი, იმედია, და ის გაიზრდება, მომწიფდება, და ნამდვილ დედობას გაუწევს მის ფრთებ ქვეშ შეფარებულ ერებს.

**შედეგალური ფინანსები და ჯარი**

**კავკასიის კონფედერაციის პაქტში**

სახელმწიფოთა კონფედერაციის მოწყობის დროს ორი დიდი საკითხი წამოიჭრება წინ—ფინანსების და ჯარის გასაგებია, თუ რატომ: არა კმარა კონფედერალურ ხელისუფლებისთვის თვისებათა მთელი რიგის მინიჭება, სავარეოთა თუ საშინაოთა. საქიროთა ამასთანავე მას ჰქონდად შესაძლებლობა ამ თვისებათა სარგებლობის, მას უნდა მიექცეს მატერიალური სახსარი სხვადასხვა სამსახურის მოწყობისათვის, რათა გამოიყენოს მინიჭებული თვისებანი (უფლებანი). აგრეთვე აუცილებელია ძალაც, რათა სხვებიც აიძულოს ვალდებულების შესასრულებლად. საკონფედერაციო ხელისუფლების კომპეტენცია, თეორიულად, შეიძლება ფრიად ფართო იყოს, მაგრამ ეს უმნიშვნელოა, თუ ამავე დროს მას არ მოეპოვება საშუალება მის განხორციელებისათვის პრაქტიკულად. კონკრეტული მაგალითი ცხად ჰყოფს ამ აზრს: მოგახსენებთ საფრანგეთის კომუნებისა და დეპარტამენტების შესახებ. 1926 წ. სექტემბერ-ნოემბრის დეკრეტ-კანონების ძალით მოხდა საკომუნო და სადეპარტამენტო საზოგადოებრივ სამსახურის დეცენტრალიზაცია. მრავალ საგნისთვის ადგილობრივ ორგანოებს შეუძლიათ იმსჯელონ და მიიღონ გადაწყვეტილება ცენტრალურ მთავრობის დაუდასტურებლად. ხოლო ეს დადასტურება, როცა საქიროთა, ხდება ჩუმიად, ფარულად.

დარადგან ფინანსების მხრით ადგილობრივი სამსახური დამოკიდებულია ცენტრალურ მთავრობისაგან. ამიტომ სინამდვილეში კომუნების და დეპარტამენტების ფართო უფლებებისაგან აღარაფერი რჩება. ფინანსური დამოკიდებულების გამოა, რომ ფართო თავისუფლება მინიჭეს ადგილობრივ ორგანოებს: ვინც ფინანსურად დამოუკიდებელი არაა, იგი ვერ შესძლებს თავის გადაწყვეტილების შესრულებას. რაც შეეხება სამხედრო ძალას, მისი მნიშვნელობა იმდენად აშკარაა, რომ საქიროთა არაა ამაზე შეჩერება.

როგორ სწყვეტს კავკასიის პაქტი საკონფედერაციო ფინანსების საკითხს? პაქტი მეტად მოკლე პასუხს გვაძლევს—მექვესე მუხლი აცხადებს: «კონფედერაციის სახსრები შესდგება წევრ-სახელმწიფოების დაწესებულ გადასახადებისაგან». მაშასადამე ცხილია: კონფედერაციის არ აქვს საკუთარი სახსრები. ფინანსურად იგი დამოკიდებულია კონფედერაციაში შემავალ სახელმწიფოებისაგან. ეს დიდი ნაკლია. მით უფრო გაუგებარია, რომ არის წყარო შემოსავლისა, რომელიც ნორმალურად უნდა ეკუთვნოდეს კონფედერალურ ხელისუფლებას—საბაჟოების შემოსავალი. საბაჟოების საქმეები ხომ მხოლოდ საკონფედერაციო ხელისუფლებას ექვემდებარება; კონფედერაციის ხომ ერთი საბაჟო საზღვარი





აქვს. მხოლოდ იგი სდებს საბაჟო ხელშეკრულებათ. თუ ეს ასეა, რატომ არ უნდა წავიდეთ ცოტა შორს და არ მივანიჭოთ საბაჟოების შემოსავალი საკონფედერაციო ხელისუფლებას. ეს იქნებოდა ლოლიკური და ბუნებრივი. მაგრამ პაქტის შემადგენელნი აქამდის არ წაიფიქრებენ: ცალ-ცალკე სახელმწიფოების სეპარატულმა გრძნობამ დასძლია ერთობის გრძნობა.

ხოლო მართო ეს არაა სუსტი მხარე დასახელებული მუხლის. იგი არაფერს ამბობს, თუ თვითნებური სახელმწიფო როგორი წესით მიიღებს მონაწილეობას საერთო ხარჯებში? ვინ იქნება მსაჯული განაწილების? რას გაუწევინებს ანგარიშს თვითნებური სახელმწიფოს ხვედრ გადასახადის განაზღვრისთვის — მცხოვრებთა რაოდენობას, მის ბიუჯეტს, თუ ბუნებრივ სიმდიდრეს? ამ კითხვებზე პაქტი არავითარ პასუხს გვაძლევს.

ცხადია, მე არ მავიწყდება, რომ ყველაფერს ამას დიდი პრაქტიკული მნიშვნელობა არ აქვს, რადგან პაქტის განხორციელების დღე ჯერ არ დამდგარა. მაგრამ კრიტიკულ შესწავლისათვის საჭიროა განყენება ფაქტისაგან. კრიტიკაც იმიტომ არსებობს, რომ ხელი შეუწყოს საქონსტიტუციო იარაღის გაუმჯობესებას, ვიდრე უკანასკნელს სინამდვილეში ისარგებლებდნენ.

უეჭველია, რომ დასახელებული საგნების შესახებ პაქტი განსაკუთრებულად ლაკონურია. აუცილებელია იმიტომ, რომ კონფედერაციაში შემავალ სახელმწიფოებმა დასდგან პაქტის დამატებითი ხელშეკრულება, სპეციალურად ფინანსური, რომელიც გაარკვევს მეექვსე მუხლში მოხსენებულ დებულებათ.

ასეთია პაქტის დამყარებული წესი. მას ახლავს ნაკლი და არაა საკმაო, უპირველესად იმიტომ, რომ ფინანსურ უპირატესობას ანიჭებს წევრ—სახელმწიფოებს. უდავლაა, რომ საკონფედერაციო ხელისუფლებას უნდა მიეცეს ნება დააწესოს ზოგი გადასახადი თავის სასარგებლოთ. მეტყვიან, დადგენილს ვერ გასცილდებით, რადგან ეს გამოიწვევს შემავალ სახელმწიფოების წინააღმდეგობას. ეს არაა სერიოზული არგუმენტი, ეს ნიშნავს მხოლოდ საერთო ინტერესების ცუდად გაგებას, რომ ვითომც საკონფედერაციო ხელისუფლების განსაზღვრული ფინანსური დამოუკიდებლობა შელახავს წევრ სახელმწიფოების არსებობას. ისტორიამ იცის კონფედერაციები, რომელთაც საკუთარი სახსრები ჰქონდათ. ასეთი იყო ჰოლანდიის შეერთებული პროვინციები.

ფინანსებთან პიდაპირ დაკავშირებულია ფულის საკითხი. კავკასიის კონფედერაციას ექნება ერთი ფული, თუ თითოეული შემავალი სახელმწიფო საკუთარ ფულს გამოუშვებს? პაქტი არ არკვევს ამ მნიშვნელოვან საგანს. ამბობს მხოლოდ მოკლედ, რომ განსაკუთრებული შეთანხმება იქნება შემუშავებული ფულის გაერთიანებისთვის (მ. 15). ყოველ შემთხვევაში აღიარებს ერთი ფულის პრინციპს და მის დაწვრილებითს მოწესრიგებას მიანდობს სპეცია-

ლურ ხელშეკრულებას. ბრძნული გადაწყვეტილებაა, ვინაიდან ფულის საკითხი ძალიან რთულია და მოითხოვს წმინდა ტექნიკური საგნების ღრმა შესწავლას. აღსანიშნავია, რომ პაქტი აღიარებს ფულის ერთიანობას. ეს დამახასიათებელია: ბევრს საკითხში კონფედერაციის პაქტს ემხნევა თვისებები, არ ვიტყვოდი. უნიტარისტული (ეს გადაჭარბებული იქნებოდა), არამედ ფედერატული. ისეთს შთაბეჭდილებას დებულობთ. რომ პაქტის ავტორები კონფედერაციას უყურებენ როგორც გარდამავალს, რომელსაც შემდეგ უნდა მოჰყვეს უფრო მჭიდრო კავშირი.

მაგრამ მეორეს მხრით პაქტს ეტყობა ბევრს საკითხებში დიდი გაუბედაობა. გეგონებათ. ავტორებს აშინებთ, როცა რასმე უთმობენ ერთობის იდეას და ცდილობენ სხვა საკითხებში მედგრად დაიცვან შემავალ სახელმწიფოების დამოუკიდებლობა. აქედან წარმოსდგება გადაწყვეტილებანი შერთული და შეუგუებელი, როგორც ზემოთ განვიხილეთ—კონფედერაციის ფინანსებისა და საბაჟოების შესახებ.

ჩვენი მხრით ჩვენ შევევიძლია მხოლოდ მხარი დაუჭიროთ ერთობის გაძლიერების ყოველ ცდას. დაფიქრდნენ დაინტერესებული მხარეები: ისინი ერთდებიან საზოგადოთ იმისთვის, რომ დაიცვან გარეშე საფრთხისაგან კონფედერაციაში შემავალ სახელმწიფოების დამოუკიდებლობა. მაგრამ ორში ერთიან ეს საფრთხე მუდმივი არაა, და მაშინ კონფედერაციის დაარსება რა საჭიროა, საკმარისია თავდაცვის საკავშირო ხელშეკრულება გარდამავალ საშიშროების წინააღმდეგ; ან საფრთხე მუდმივია და მაშინ სახელმწიფოთა კონფედერაცია ვერ იძლევა საჭირო გარანტიას საფრთხის დასაძლევად. კონფედერაციების ისტორია გვიჩვენებს, რომ არ შეუძლიათ ხანგრძლივი არსებობა და პირველივე ვანსაცდელი ამსხვრევს მათ. ვავისენოთ ვერმანის კონფედერაცია, რომელიც ვაჰჭკა, როგორც კი განხეთქილება ჩამოვარდა პრუსიასა და ავსტრიას შორის 1866 წ.

ხოლო თუ კონფედერალური წყობილება არის გარდამავალი ფორმა, იგი აუცილებელი ეტაპია, რადგან პრაქტიკულად შეუძლებელია და არცაა სასურველი, რომ თავიდანვე მჭიდროდ შეკავშირდნენ სახელმწიფოები, რომლებიც მანამდე სრულიად დამოუკიდებელნი იყვნენ. მჭიდრო შეერთება არც მჭიდრო იქნებოდა. საჭიროა სახელმწიფოთა კონფედერაციის ეტაპის განვლა. ხოლო კონფედერაციის ხელშეკრულებაში უნდა შეიტანონ ელემენტები, რომლებიც გადავიღებენ გარდასვლას, ნაცვლად კონფედერაციისა უფრო მჭიდრო ერთობის მოწყობას. ერთი ფულის დაწესება ერთი ასეთ ელემენტთაგანია და როგორც ამგვარი სრულიად მოსაწონია.

ფულის ერთობა დიდათ შეუწყობს ხელს კავკასიის კონფედერაციაში შემავალ სახელმწიფოების მჭიდრო დაახლოვებას. ერთი ფული გამოიწვევს ცენტრალურ საემისიო ბანკის დაარსებას თავის განყოფილებებით, რომელსაც ექნება ერთი ფინანსური





და ფულის პოლიტიკა და მით გაადვილებს უკეთეს ფორმაში გადასვლას.

რაც შეეხება ჯარს, პაქტი უფრო გარკვეულს პასუხს იძლევა. მეშვიდე მუხლში ვკითხულობთ: «კონფედერაციას არ ჰყავს საკუთარი ჯარი, ხოლო ეყოლება მთავარი შტაბი. სავარაუდო საფრთხის დროს და სახელმწიფოთა საბჭოს მოთხოვნით, თითოეული სახელმწიფო მოვალეა გადასცეს საკონფედერაციო ხელისუფლების განკარგულებაში განსაზღვრული რაოდენობა ჯარისა. შეერთებულ ჯარებს ხელმძღვანელობს სახელმწიფოთა საბჭოს დანიშნული მთავარსარდალი».

მეშვიდე მუხლის შენიშვნა ამას დასძენს კიდევ: «განსაკუთრებული სამხედრო შეთანხმება განსაზღვრავს თითოეული სახელმწიფოს ჯარის რაოდენობას».

ეს ტექსტი თვალსაჩინო ნიმუშია იმ ორგვარ ტენდენციისა—ფედერალურის და სეპარატისტულის—რომელსაც ზემოთ მივაქციეთ ყურადღება. ინდივიდუალისტური მიდრეკილება, რომელსაც უნდა რაც შეიძლება სრულად დაიკვას შემავალ სახელმწიფოთა დამოუკიდებლობა, — დაკმაყოფილებას იმაში პოულობს, რომ კონფედერაციას საკუთარი ჯარი არა ჰყავს. ერთი შედარება გვებადება ამ მუხლის წაკითხვის დროს.

ესა განიარაღების პროექტი, რომელიც საფრანგეთის მთავრობის სახელით წარადგინა ტარდიემ განიარაღების კონფერენციაზე. ეს პროექტი მიდის უფრო შორს ვიდრე კავკასიის პაქტი, ეხება ისეთ საშინელ ჯარს, როგორცაა ავიაცია. და მოითხოვს ინტერნაციონალურ საპარო ძალის შექმნას და მის გადაცემას ნაციათა ლიგის ხელში. პროექტი უკრძალავს ლიგის წევრებს სამხედრო ავიაციას საკუთარ საჰაერო ძალებისთვის. მართალია აკრძალვა ეხება მხოლოდ ავიონებს, რომლებიც ყუმბარებით ფართო სივრცეზე მოქმედებენ, მაგრამ ასეთი ავიონები სწორედ ყველაზე უფრო საშიშონი არიან.

სახმელეთო და საზღვაო ჯარების შესახებ ტარდიეს პროექტი აღიარებს ჩვენი პაქტის სისტემას, ე. ი. რაოდენობით სისტემას. ლიგის წევრები ვიღვალდებულნი არიან გადასცენ ნაციათა ლიგას ომის დროს საბჭოს მოთხოვნით განსაზღვრული რაოდენობა ხმელეთის და ზღვის ჯარისა. ხოლო ეს ვალდებულება ეყრდნობა კეთილსურვილს და საერთაშორისო ხელშეკრულებათა პატივისცემას, რაიც ყოველთვის არ უდევს საფუძვლად დიდ სახელმწიფოების პოლიტიკას. ამიტომ ხსენებული ვალდებულება პირობითი ღირებულებისაა.

ასეთივეა სწორედ კავკასიის პაქტის მეშვიდე მუხლი. «თითოეული სახელმწიფო მოვალეა გადასცეს

საკონფედერაციო ხელისუფლების განკარგულებაში განსაზღვრული რაოდენობა ჯარისა». ცხადია, რომ ასეთი დებულება დამაკმაყოფილებელი არაა. რა მოხდება რომ რომელიმე შემავალმა სახელმწიფომ უარი თქვას და არ მიეშველოს კონფედერაციას განსაცდელის დროს? შეუძლია თუ არა კონფედერაციას ძალა იხმაროს და აიძულოს უარის მთქმელი ნაცის მოვალეობის შესასრულებლად? საეჭვოა, რადგან ამ შემთხვევაში მას მოუხდებოდა ბრძოლა ორ ფრონტზე—შიგნით და გარეთ. ასე რომ აქაც ვალდებულება მხოლოდ ზნეობრივია.

მაგრამ უნდა აღვიაროთ, რომ დღევანდელ პირობებში პაქტის ავტორებს უფრო შორს წასვლა არ შეეძლოთ. კონფედერატულ სამხედრო ძალის შექმნა შეზღუდვად შემავალ სახელმწიფოების აგრეწოდებულ «პოლიტიკურ სუვერენობას», რაზედაც ისინი არ დათანხმდებოდნენ. სამაგიეროთ მეშვიდე მუხლი შეიცავს ფრიად მნიშვნელოვან ფედერატულ ელემენტებსაც. ასეთია დაწესება მუდმივი მთავარ შტაბისა; იგი მოწოდებულია, რათა შეათანხმოს თითოეული სახელმწიფოს მილიტარული და სტრატეგიული მოქმედებანი და მისცეს მათ ერთნაირი სახეც. მთავარ შტაბის ღირსება დამოკიდებული იქნება იმ პირთა ღირსებაზე, რომლებიც მას შეადგენენ. თუ ისინი თავის სიმაღლეზე იქნებიან, მთავარი შტაბი დიდს გავლენას მოიპოვებს და გახდება საფუძველი მომავალი საკონფედერაციო ჯარისა.

ერთობის მეორე ელემენტი საერთო სარდლობა; სახელმწიფოთა შეერთებულ ჯარებს ხელმძღვანელობს საბჭოს დანიშნული მთავარსარდალი, იბადება კითხვა, მთავარსარდალი ინიშნება მაშინ, როცა კონფლიქტი მოხდება, თუ წინასწარაა დანიშნული. პაქტი არაფერს ამბობს ამის თაობაზე. ერთის მხრით თითქოს უცნაურია მთავარსარდლის დანიშვნა ჯარისთვის, რომელიც არ არსებობს, მაგრამ საკონფედერაციო მთავარ შტაბის არსებობა ჰგულისხმობს, რომ შეიძლება წინასწარ მთავარსარდლის დანიშვნაც. საშიშია, რომ მთავარსარდალი დანიშნოს, როცა კონფლიქტი მოხდება, რადგან მისი დანიშვნის დაგვიანებამ შეიძლება გაართულოს კონფედერაციის მდგომარეობა.

სასურველია, რომ კავკასიელებმა მიჰბადონ ტარდიეს. საჭიროა: თუ კონფედერაციას უნდა შეასრულოს თავისი დანიშნულება, მას უნდა მოეპოვებოდეს ძალა, რათა შესძლოს თავის გადაწყვეტილებათა სისრულეში მოყვანა. თუ გადაწყვეტილებას უკან ძალა არ მისდევს, ის შეიძლება დარჩეს ცარიელ სიტყვად.

მის. მუსხელიშვილი.



### საქართველო და სამკათვოების უფლება

ჩვენ შეგვიძლია მხოლოდ მოკლედ აღვნიშნოთ 1783 წლის ხელშეკრულების დადების შემდეგ მომხდარი ამბები. პირველი იყო სპარსეთის თავდასხმა საქართველოზე. წინამდებ ხელშეკრულებაში ამკარად გამოთქმულ პირობებისა რუსეთი არ მიეგველა საქართველოს. უკანასკნელი მარტოდ დარჩა და ვერ გაუწია წინამდებობა მტრის ჯარს, რომელიც შეესია ქვეყანას და გაანადგურა და სატახტო ქალაქი ცეცხლით გადაწვა (1795 წ.).

ეს იყო პირველი მძიმე დარღვევა რუსეთის მიერ 1783 წლის ხელშეკრულებისა, რომელიც ავალბდა მას საქართველოს დაცვას. ხოლო ერთხმად არის მიღებული საერთაშორისო უფლებაში, ისე როგორც საშინაოშიც, რომ ვალდებულების შეუსრულებლობა ერთის მხრის მიერ ათავისუფლებს მეორეს საკუთარ ვალდებულებათაგან. ერთი წინამდებდეთაგანი საერთაშორისო უფლებისათვის Vattel, რომელიც თითქმის ამ ამბების თანამედროვე იყო და რომელმაც განსაკუთრებული სიღრმით შეისწავლა პროტექტორატის ხელშეკრულების გაუქმების საკითხი, ასე ამბობს ამ საგანზე: «როდესაც რომელიმე ერი სდგება მეორე, უფრო ძლიერის, ერის პროტექტორატის ქვეშ, ან კიდევ დაქვემდებარება მას მფარველობის მისაღებად, და ეს უკანასკნელი არ გაუწევს ნამდვილ მფარველობას შემთხვევის დროს,—ამჟამად სდება, რომ ის უყურადღებოდ სტოვებს ნაკისრ ვალდებულებას, და ამიტომ ჰკარგავს ყველა უფლებას, რომელიც ხელშეკრულებამ მიანიჭა, ხოლო მეორე მხარეც თავისუფლდება ყოველი მოვალეობისაგან, რომელიც თავის თავზე მიიღო, იბრუნებს ყველა თავის უფლებებს და აღიდგენს თავის დამოუკიდებლობას და თავისუფლებას»<sup>\*)</sup>. 1783 წ. ხელშეკრულება მომხდარ ამბის გამო შეიძლება გადაქმნულიყო და საქართველოს, რომელიც განთავისუფლდა ყოველი ვალდებულებისაგან, შეეპოვა აღდგინა ყველა თავისი სუვერენული უფლებანი.

მაგრამ სინამდვილეში მოხდა სულ წინამდებ; რუსეთმა უარყო ხელშეკრულების მე-12 მუხლი, რომელიც მოითხოვდა, რომ ვალდებულებათა ყოველგვარი შეცვლა უნდა მომხდარიყო ორივე მხრის შეთანხმებით,—და ცალმხრივი გადაწყვეტილებით რამდენიმე წლის შემდეგ მოახდინა უბრალოდ საქართველოს სრული ანექსია. ეს ანექსია გამოცხადდა ორი მანიფესტით—პირველი გამოაქვეყნა იმპერატორმა პავლემ 1801 წ. 28 იანვარს, ხოლო მეორე, რომელიც ადასტურებდა პირველს,—ალექსანდრე პირველმა იმავე წლის 18 სექტემბერს.

ამგვარად რუსეთმა ცალმხრივი აქტებით მითვისა უფლებები, რომლებიც მას არ ჰქონდა პროტექტორატის ხელშეკრულებით. ეს გარემოება უფლებას აძლევდა საქართველოს გაუქმებულად ეცნო

ხელშეკრულება და თავისი თავი სრულიად განთავისუფლებულად ყოველი ვალდებულებისაგან რუსეთის მიმართ. ვატტელი აქაც იმავე აზრისაა; თავის ნაშრომის 198 პარაგრაფში სწერს: «იმავე პრინციპის ძალით, რომელიც ანთავისუფლებს ერთს მხარეთაგან, როცა მეორე არ ასრულებს თავის მოვალეობას, ან უფრო ძლიერი ცთილობს დააკისროს სუსტს მხარეს უფრო მეტი ვალდებულება, ვიდრე ნაგულისხმევია პროტექტორატის თუ დაქვემდებარების ხელშეკრულებაში,—ამ უკანასკნელს მხარეს შეუძლია ხელშეკრულება გაუქმებულად ჩასთვალოს და იბრუნოს თავის მდგომარეობისათვის, როგორც თვით განსაჯავს. საქმეს რომ სხვანაირად შევხედოთ, მაშინ სუსტს ერს ყოველთვის დაღუპავდა ხელშეკრულება, რომელსაც მან მიმართა სწორედ თავის დასაცავად, და ის რომ შებოროტად დარჩეს მიღებულ ვალდებულებით, როცა მფარველი მხარე არ ასრულებს თავის ვალდებულებას, ხელშეკრულება გახდებოდა მისი დასაქერი მან»<sup>\*)</sup>.

მაშასადამე უდავოა, რომ რაკი რუსეთმა ორჯელ არ შეასრულა თავისი ვალდებულებანი, 1783 წ. ხელშეკრულება უფლებრივად გაუქმდა. საქართველომ თეორიულად დაიბრუნა სრული თავისი დამოუკიდებლობა. ხოლო ის თუ ვერ სარგებლობდა ამ დამოუკიდებლობას, მხოლოდ იმიტომ, რომ რუსეთმა მოახდინა მისი ოკუპაცია თავის ჯარით.

ძალაზე დამყარებული ანექსია დაემკვიდრა 1783 წლის ორმხრივი ხელშეკრულებისაგან წარმოშობილ პროტექტორატის რეჟიმის ალაგას და შეიქმნა მდგომარეობა ფაქტისა, ნაცვლად წინანდელის იურიდიულისა. რა იურიდიული შედეგები აქვს ამ ანექსიას? შევნიშნოთ ყოვლის უწინარეს, რომ საქართველოს ანექსია არასოდეს უცვნიათ უცხოეთის სახელმწიფოებს, რომელთაგან ინგლისმა, საფრანგეთმა, ოსმალეთმა და სპარსეთმა პირიქით ფორმალური პროტესტებიც განაცხადეს ამ ფაქტის წინამდებ. 1856 წ. ყირიმის ომის დროს საფრანგეთმა, ინგლისმა და ოსმალეთმა აღუთქვეს საქართველოს დამოუკიდებლობის აღდგენა. საფრანგეთის წარმომადგენელი გრაფი მეფრეი სწერდა 1855 წ. 25 დეკემბერს: «დამოუკიდებლობა, წარმატება—აი რა მოგვქვს ჩვენ თქვენთვის. ევროპას უნდა, რომ თქვენ შემოხვიდეთ განათლებულ ერთ დიდ ოჯახში». ოსმალეთის ჯარის გენერალისსიმუსი კი თავის მხრით სწერდა 1855 წ. 31 ნოემბერს: «მათი (მოკავშირე სახელმწიფოების) სურვილია, რომ სამეგრელო»<sup>\*)</sup> და მისი მეზობელი მხარეები იყვნენ დამოუკიდებელნი რუსეთისა და სხვა სახელმწიფოსაგან, იყვნენ თავისუფალნი და ყვედით საკუთარი მთავრებიანი».

ბოლოს საქართველოს საკითხი დაისვა ხელახლა პარიზის კონგრესზე 1856 წ. 1856 წლის 1 მარტის პრო-

\*) Vattel. დასახ. თხზულებ მუხლი 196. Rivier, 108 გვ. Despagnet, გვ. 400, Nippold, 41-42, Hielborn, 175-183, Kunz, 336 და 337.

\*) აგრეთვე Despagnet, 401; Nippold, 42.

\*\*) სამეგრელო მაშინ ჯერ კიდევ არ იყო მთლად დამოაჩილებული რუსეთის მიერ.





ტოკოლში ვკითხულობთ: «ბ. გრაფი ვალეესკი, საფრანგეთის დელეგატი, აცხადებს, რომ მოკავშირე სახელმწიფოები მოითხოვენ, რათა სპეციალურად იქნეს განხილული შავი ზღვის აღმოსავლეთით მდებარე ტერიტორიების მდგომარეობა». ცხადია, აქ ნაგულისხმევი იყო საქართველო. სამწუხაროთ ეს საკითხი არ იქნა განხილული კონგრესზე, მაშინდელი საერთო ვითარება ხელს არ უწყობდა ამას.

მაგრამ მთავარი ისაა, რომ ქართველი ერი არასოდეს შეირიგებია თავის ქვეყნის იძულებით ოკუპაციას. ძნელია ჩამოთვას ქართველი ერის ყველა აჯანყების და განმათავისუფლებელ ბრძოლის დამპყრობელის წინამდევ, რასაც მოსდევდა ყოველთვის საშინელი რეპრესიები. აჯანყება იფეთქებდა ხან ერთს ალაგას. ხან მეორეს—ასე იყო მთელი მე-19 საუკუნის სიგერძეზე—1802 წ., 04, 12, 19, 32, 78 წ. და ბოლოს 1905 წელს. 1907 წ. ქართველმა ერმა პეტროციით მიმართა ჰააგის სამშვიდობო კონფერენციას, სადაც ამბობდა, თუ რა დევნას განიცდიდა რუსეთისაგან, და მოითხოვდა თავის უფლებათა აღდგენას.

თუ ამ ფაქტებზე შევჩერდით. მხოლოდ იმიტომ რომ არიან იურისტები, რომლებიც უარყოფენ საქართველოს დამოუკიდებლობას<sup>\*)</sup>. ამ იურიდულ არგუმენტაციას ისინი უპირდაპირებენ «ფაქტის ნორმატივულ ძალას» (normative kraft des Faktischen); ფაქტი ჰქმნის და სპობს უფლებასო. ის ფაქტი, რომ რუსეთმა, ერთ საუკუნეზე მეტია, დაიპყრო საქართველო და მფარველობაში ყოფილი სამეფო გადააქცია რუსეთის ვებერნიებად.—საკმაოა იმისთვის, რომ დაუჟარგოს ძალი წინანდელ ხელშეკრულებათ და შექმნას ახალი იურიდული მდგომარეობა. ეს ნიშნავს ვადის გადასულობის მცნების შეტანას საერთაშორისო უფლებაში<sup>\*\*</sup>). ხოლო ჩვენ არ გვინდა აქ ვიდავოთ ამ საკითხზე და რაც უნდა მოსაზრებანი იქნეს წარმოდგენილი ამის თაობაზე, საკმარისია იმის აღნიშვნა, რომ პოზიტივურ საერთაშორისო უფლებას ვადის გადასულობის (ფლობელობის ხანგრძლივობის) მცნება არასოდეს დაუმუშავებია; მეტიც შეიძლება ითქვას, მას იგი დღემდის არ უცვლია. უეჭველია, არიან ავტორები, რომელთაც სურთ შეიტანონ საერთაშორისო უფლებაში თვით შეძენა ტერიტორიისა ხანგრძლივი ფლობელობის შემწეობით. ეს უკანასკნელი იქნებოდა საერთო ინსტიტუტი როგორც საერთაშორისო ისე კერძო უფლებისთვის. ხანგრძლივი და მშვიდობიანი ფლობელობის უზრუნველყოფა ერთი აუცილებელ პირობათაგანია სოციალურ მშვიდობიანობისთვის როგორც საერთაშორისო წესებებისა, ისე საშინაოსთვის.

მაგრამ თანამედროვე საერთაშორისო უფლებას არ მოეპოვება ხანგრძლივი მფლობელობის შესახებ არავითარი გარკვეული წესი. თუ როგორ უნდა გა-

მოვიყენოთ ან რა იურიდული შედეგები ექნება მას. ჯერჯერობით მუშაობა საგნის თეორიული შემუშავებისთვის სწარმოებს და ავტორთა შეხედულობანი ყოველთვის არ ეთანხმებიან ერთი მეორეს; სახელდობრ დიდი განსხვავებაა ხანგრძლივობის ვადის თაობაზე. ესაა უპირველესი საკითხი; მისი გადაჭრა ყოველთვის პრაქტიკულად დამოკიდებული იქნება იმ პირობებისაგან, რომლებშიც ფლობელობას სარგებლობდა სახელმწიფო, ამ საშუალებით ტერიტორიის შეძენა რომ უნდა. ამ პირობებს შორის, რომლებიც საზოგადოთ მიჩნეული არიან როგორც აუცილებელნი, არის ორი, რომელნიც პირდაპირ ეხებიან ჩვენთვის საინტერესო შემთხვევას.

ყოვლის უწინარეს საჭიროა, რომ ფლობელობა იყოს მშვიდობიანი და შეუწყვეტელი, რომელიც ჰგულისხმობს პრაქტიკულად შემოერთებული ხალხის დათანხმებას, ყოველს შემთხვევაში ჩუმს. ფლობელობა არა მშვიდობიანი, რომელიც მხოლოდ ძალას ემყარება, მნიშვნელობას უკარგავს დროს; ასეთივე გავლენა აქვს ფლობელობის შეწყვეტას ფორმალური ოპოზიციით, შემოერთებული ხალხის აჯანყებით. ხოლო ჩვენ ვიცით, რომ საქართველოს შესახებ, ეს ფლობელობა არ ყოფილა არც მშვიდობიანი, არც შეუწყვეტელი; ერის მუდმივი ამბოხებანი დამჩაგვრელის წინამდევ და პროტესტები არ აძლევენ ნებას რუსეთს, გამოიყენოს თავის სასარგებლოთ ხანგრძლივი ფლობელობა.

საჭიროა აგრეთვე, მფლობელმა სახელმწიფომ რომ გამოიყენოს ფლობელობის ხანგრძლივობა, მან თვითონ არ უნდა შესცვალოს ფლობელობის ხასიათი. თუ სახელმწიფო სრულებით დაეპატრონება ტერიტორიას, რომელსაც ფლობს იურიდულად მხოლოდ შეზღუდული უფლებით, და ყოველ შემთხვევაში შინაგანი სუვერენობა ეკუთვნის მეორე სახელმწიფოს, ამ შემთხვევაში მას არ შეუძლია შეიძინოს ტერიტორია ფლობელობის ხანგრძლივობით. «სახელმწიფოს, ამბობს Fauchille, ისე როგორც კერძო პიროვნებას, არ შეუძლია შეძენა უფლების წინამდევ, შეუძლებელია თავის ნებით შეცვლა თავის ფლობელობის მიზნისა და პრინციპისა». «თუ პროტექტორი სახელმწიფო, დასძენს გამოჩენილი სჯულმეტყველი, შთანთქავს იმ სახელმწიფოს მთავრობას და ადმინისტრაციას, რომელიც მის მფარველობის ქვეშაა, და დაუტოვებს მას მარტო ნომინალურ დამოუკიდებლობას, ესეთი ფლობელობა რაც უნდა ხანგრძლივი იყოს, ვერ მიანიჭებს მას სუვერენობას დაკავებულ ტერიტორიაზე<sup>\*)</sup>». ესევეა იმ შემთხვევაშიც, როცა საქმე გვაქვს უფლების უფრო მძიმე დარღვევასთან, როცა მაგალითად მფარველი სახელმწიფო, როგორც ეს მოხდა საქართველოს მიმართ, სრულებით აუქმებს მფარველობის ქვეშ მყოფ სახელმწიფოს დამოუკიდებლობას და გადააქცევს მას თავის პროვინციად.

«ფაქტის ნორმატივული ძალის» საბუთი უვარგისია, ყოველ შემთხვევაში იმ მდგომარეობისთვის, რომელსაც ჩვენ აქ ვეხებით. საქართველოს ფლობე-

\*) Von Liszt, Die Völkerrechtliche Stellung der Republik Georgien, ბერლინი 1918.

\*\* ) იხ. ამ საგნის მეტად სწორი განხილვა P. Fauchille, Traité de droit international public, t. 1, წ. 2, გვ. 754. აგრეთვე ჩემი Précis de droit International public. 1931. № 105, 106 და 686.

\*) Fauchelle, გვ. 760.



ლობა რუსეთის მიერ, თუმცა და ერთ საუკუნეზე მეტს გაგრძელდა, არაა საქმარისი; რომ რუსეთმა მოიპოვოს სუვერენობა საქართველოზე, აქ იყო წმინდა ფაქტის მდგომარეობა, რომელსაც არ შეეძლო ეგნო საქართველოს უფლებებისთვის. ამგვარად, როგორც ეს თქვა სრულიად სამართლიანად იელინეკმა, «უნდა კარგად გავარჩიოთ თვალსაზრისი პოლიტიკური და თვალსაზრისი იურიდიული. იურიდიულ დამოუკიდებლობას შეუძლია სრული თანაარსებობა მეტად ფართო პოლიტიკურ დამოკიდებულებასთან. ამ განსხვავებას, პრაქტიკული თვალსაზრისით, დიდი მნიშვნელობა აქვს: როცა სახელმწიფო იურიდიულად დამოუკიდებელია, რაც უნდა ძლიერი იყოს მისი ფაქტივური დამოკიდებულება, იგი სუვერენულია და შეუძლია მოითხოვოს ყველა ის უფლება,

რომელიც მას ეკუთვნის საერთაშორისო სამართალით» (G. Iellinek, L'Etat moderne et son droit, ნაწ. 2, Theorie juridique de l'Etat, გვ. 507).

ეს დებულება სავესებით შესაფერია საქართველოს ვითარებისთვის: უბრალო და წმინდა ანექსია რუსეთის—მფარველი სახელმწიფოს მიერ, რომელმაც წინამძღვე ამისა დახმარება აღუთქვა, იურიდიულად უბრუნებს საქართველოს წინანდელს სუვერენობას, რომლის მოსპობა არ შეეძლო სხვა აუცილებელ თვისებებსაც მოკლებულ ფლობელობის ხანგრძლივობას.

Louis Le Fur

საერთაშორისო უკლებლის პრინციპების პარიზის უნივერსიტეტში.

**გერმანული ქართველებზე და საქართველოზე 1862 წ.**

ამას წინათ გერმანელ მეგობრის ბიბლიოთეკაში ერთ წიგნს წაგაწყდი. ის დაწერილია ამ სამოცდაათი წლის წინათ და ჰქვია «კავკასიაში 1862 წ.». ავტორი არ სჩანს, მაგრამ წიგნის წაითხვის შემდეგ აშკარა ხდება, რომ მისი დამწერი არის პრუსიის პრინცი ჰოლშტეინის გვარეულობისა და მასთან შეიძლება ერთი-ორი წევრი იმ მრავალრიცხვოვან ამაღლისა, რომელიც მას ახლდა. წიგნი შეიცავს 600 გვერდს, საუცხოვოდ არის გამოცემული, ეტყობა ვიწრო წრისათვის და დამშვენებულია მხატვრულად შესრულებულ სურათებით, განსაკუთრებით საქართველოს ცხოვრებიდან. აქ თქვენ ნახავთ: — «მცხეთის მონასტერს», «ტფილისის პანაარამას», «ტფილისის ნაწილს ნანგრევებით», «წმ. გიორგის ეკლესიას ტფილისში», «მამა-დაიოს», «ხევსურებს», «იმერელს», «გურულს ჩაქურაში», «პატარა იმერელს», და სხვ. გერმანელ სტუმრებს მოუვლიათ მთელი კავკასია ეტლითა და ცხენით... «ამხსნელ-განმარტებლად» მათ ჰყოლიათ რუსეთის მეფის და კავკასიის მართველის წარმომადგენლები—რუსი მოხელეები, რასაკვირველია. ამიტომ წიგნის ავტორების აზრი და შეხედულება პოლიტიკურ, ეკონომიურ და კულტურულ მდგომარეობაზე კავკასიაში და კერძოდ საქართველოში არა თუ არ განსხვავდება, არამედ სრული დადასტურება იმ აზრისა და სულიისკვეთებისა, რომლითაც ხელმძღვანელობდენ რუსეთის მართველი წრეები დაპყრობილ ერების, «ტუზემცების» მიმართ. ერთი სიტყვით რუსეთის მეფეზე უკეთესი მზრუნველი წარმოუდგენელია, — ის ხომ მხოლოდ თავის ქვეშევრდომების ბედნიერებაზე ჰფიქრობდა... უკეთესი დამცველი ღმერთმა შეარცხენოს,—ეს ხომ დიდი, ძლიერი რუსეთია... ყველაფერი, რაც ტყუილი, ყალბია ამ წიგნში, ის, რასაკვირველია, ნაამბობია ამ რუს მოხელეების მიერ (მაგ. საშინელი დამახინჯებით არის გადმოცემული კონსტანტინე დადიშვილიანის მიერ გენგუბ. გაგარინის მოკვლის ამბავი, შამილის ისტორია და სხვ)... მაგრამ უცხო სტუმრებს აქეთ აგრეთვე თავისი უშუალო შთაბეჭდილებანი: ადამიანი, ბუნება,

პირისპირი სიტყვა. და აქ არის ჩვენზე საინტერესო, განსაკუთრებით ჩვენთვის ქართველებისათვის, რადგან მისი დამწერი უმთავრესად საქართველოს და ქართველებს ეხებოდა. ეს ის დროა, როდესაც უზარმაზარი, ექსპანსიით გაუმაძღარი რუსეთი ამთავრება კავკასიის ერების მილიტარულ დაპყრობას, მათ დამოუკიდებელ ცხოვრების დასამარტებას... პრუსიისათვის, შეიძლება ითქვას, მთელ გერმანიისათვის, თუმცა ის ჯერ გაერთიანებული არ იყო, ეს არის დრო რუსეთთან კეთილ განწყობილების (ბისმარკი ჯერ «რკინის კანცლერი» არ არის, მაგრამ მისი ვარსკვლავი უკვე ძლიერ ბრწყინავს)... «20 სექტემბერს სადილობისას დუშეთს მივალწიეთ... ის პირველი სადგურია ანანურის შემდეგ. სიჩქარით ვისაუბრებ, რადგან გვინდოდა მზის ჩასვლამდე ტფილისში ვყოფილიყავით. იმ შენობის ბალკონიდან, სადაც ჩვენ ვსაუბრობთ, თვალს საუცხოვო სანახაობა ეშლება: შორით მოსჩანს კარგად შენახული ძველი სასახლე-მოწავე საქართველოს რანდობის ხანისა, —ისივერად შეღებილი მთები გარს შემორტყმთან მწვანით მოფენილ ჭალებს... მალე მცხეთას მივუახლოვდით... ის უძველესი ქალაქია და ამიტომ უძველესი ქართული ქრონიკები მოგვითხრობენ უკვე მის შესახებ.. ის ქართველ მეფეთა ტახტის და კურთხევის ქალაქია... მცხეთის კათედრალი ქართველებისათვის დედა-ეკლესიაა. აქ ჩვენ გვაჩვენეს მეფეთა საფლავები, რომელთა რეზიდენცია იყო მცხეთა საუკუნეთა განმავლობაში, სანამ ის ტფილისში არ გადავიდა...

აუწერელი სილამაზის სურათია, როდესაც უკანასკნელ მაღლობიდან თქვენ წინ ამიერკავკასიის მთავარი ქალაქი გადაიშლება... განცვიფრებულნი ვართ:—ყველაფერი გაბრწყინებულია, —აღმოსავლეთის საღამოს მზის სხივები ცეცხლის სინათლეში ჰხვევს ტფილისს, რაც ჩვენ საშვალებას გვართმევს დამშვიდებული ჭვრტით დავსტკბებთ ამ მშვენიერებით, როგორც მთლიან სურათით...

ქალაქის კარებთან დავგზდა მთავარ მართებლის ესკორტი—ასეული, რომლის წინამძღოლი პოლკ. ზარიძეა... უამრავ ხალხს მოვეყარა აქ თავი: ქართვე-





ლებს, სომხებს, თათრებს... ყველა თავის ეროვნულ ტანსაცმელებშია:—ზოგი ფეხით, ზოგი ცხენზე... მეტად ცოცხალი და ფერადებით მდიდარი სურათია. აგერ ტფილისის უმთავრეს ქუჩაზედაც გავედით, —«ბულვარ»-ი ჰქვია მას... ის თავის ასნაბიჯიან სიფართით და მრავალსართულიან ლამაზ შენობებით არაფრით ჩამოუვარდება ევროპის მთავარ ქალაქების სახელგანთქმულ ქუჩებს... ბალკონები (ყოველ სართულს ხომ თავისი ბალკონი აქვს,—გრძელი ბალკონი) სავსეა ხალხით, უფრო ქალებით... სცოცხლობს ქუჩა,—სავსე ქუჩა:—ჩამავალ მზის თბილი სხივები ეთამაშებიან მოსეირნეთა ჩაცმულობის ნაარ-ნაირ ფერებს... მდიდრულად მორთული სავაჭროები, რომელნიც უფრო ინგლისურ, ფრანგულ და რუსულ ფირმებს ეკუთვნიან, ვატიყებიან შეიდევლებს ბრწყინვალე ვიტრინებში გამოფენილ ევროპიდან ახლად ჩამოსულ უცხო საქონლის საყიდლად. როგორც ყოველ დიდ ქალაქში, *Magazin de Modes* აქაც ფრანგ მოდის ქალების ხელშია. ტყავით, იარაღით და თამბაქოთი უფრო ადგილობრივი მცხოვრებლები ვაჭრობენ...

ჩვენ გავიარეთ «ბულვარი», მოუხვიეთ მარჯვნივ, შეუდექით ოდნავ მაღლა მიმავალ ქუჩას, მთავარმართების სასახლეს და ბაღს რომ აკრავს, და გავჩერდით სწორედ ამ სასახლის უკან მდებარე შენობასთან, რომელსაც *Palais diplomatique* ჰქვია და რომლის დანიშნულება ეტყობა უცხო, მაღალ წოდების სტუმრების მიღება უნდა იყოს... ამ შენობაში ეხლა ცხოვრობს შეფი *Chancellerie diplomatique*-ის გრაფი ტენობოროსკი. *Palais diplomatique*-ს დიდს, ორიენტალურ სტილის, სახლს, უკან მშვენიერი გრძელი ბალკონი აქვს, საიდანაც თვალს ეშლება სწუტხოვო სანახაობა: წმ. დავითის ეკლესია და მთა...

უპირველესად ყოვლისა ჩვენ აქ გავიცანით ტფილისის გენერალ გუბერნატორი, გენერალ ადიუტანტი, ინფანტერიის გენერალი თავ. გრიგოლ ორბელიანი, რომელიც, რადგან თავ. ბარიატინსკი უკვე ორი წელიწადია კავკასიიდან წასულია, მთავარ-მართების თანამდებობას ასრულებს.

თავად ორბელიანების გვარეულობა უძველესი და უძლიერესია საქართველოში... თავადი გრიგოლი ნამდვილი წარმომადგენელია იმ რაინდულ ტრადიციის, რომლითაც ასე მდიდარია კავკასიის ისტორია და რომელიც ასე აუცილებელია ყოველ კარგ მეომრისა და მართველისათვის. —სწორეთ ქრისტიანულ რაინდულ ტრადიციის... რადგან თუ ჩერქეზები მაჰმადიანურ რაინდობას იცავენ,—ქართველები ქრისტიანულ ტრადიციის მიმდევრები არიან.—როგორც მისმა ძმამ, რომელიც 1855 წ. ყარსთან გმირულად მოკვდა,—ისე თავ. გრიგოლმა ბევრჯერ დამტკიცა, რომ ის უშიშარი მეომარი და ნიჭიერი წინამძღოლია;—მართველობაში კი ის ენერგიული და ჰუმანიური აღმასრულებელია თავის დიდ მოვალეობის. მის თვლებში თქვენ ნათლად ამოიკითხავთ, თუ რაოდენად განვითარებულია თავ. გრიგოლ ორბელიანში კეთილშობილებისა და პასუხისმგებლობის გრძობა...

მისაღმების შემდეგ ყველა უკან ბალკონზე გავედით. ამ ბალკონს 40 ნაბიჯი სიგრძე აქვს. უკვე ბნელდა... წვიმა მოსულიყო და ჰაერი გავერთილებინა... დროგამოშვებით ელვის უეცარი და სწრაფი განათება წუთით მაინც გვაძლევდა საშუალებას გავვერჩია რაიმე და დავმტკბარიყავით წმ. დავითის ეკლესიის ჯადოსნურ მიწვენიერებით; ეკლესია, რომელიც ასე მშვიდად, ასე განმარტოებით მიკრულია მთის შუა-გულში...

ღმერთო ჩემო, რამდენი უბედურება დატრიალებულა ამ შესანიშნავ ქალაქის თავზე!—ის არ არის ისე ძველი, როგორც მცხეთაა, მაგრამ მისი ისტორიაც შორ, შორ წარსულში იკარგება. ბევრი ბრწყინვალე დღეები უნახავს საქართველოს დედა-ქალაქს, მაგრამ მათ ბევრი შავი დღეებიც მოჰყოლია;—ხანა ომების, აზხრების,—უბედურების. ყველაზე მეტი ტანჯვა ეავება მას ქვეყნის ამაოხრებულ თემურ-ლენგისაგან განტყდია... მაგრამ მაინც მისი სახელი მჭიდროთ არის დაკავშირებული საქართველოს მეფეების ისტორიასთან, რომელნიც 1800 წლამდე უკვე მრავალი საუკუნე მართავდნენ და განაგებდნენ ამ მშვენიერ ქვეყანას. ევროპის მეფეთა არც ერთ გვარეულობას არ აქვს ისე გრძელი ისტორია, როგორც ბაგრატიონებს...

მეორე დღე ვინახულეთ სპარსული აბანო... საღამოს ვიყავით საოპერო თეატრში, სადაც იტალიური დასი არდგენდა «ბეატ. დი ტენდა». წარმოდგენა ჩინებული იყო... თეატრი მავრიტანული სტილის შენობაა და წამოქმულებია ევროპიულ ნაწილის ცენტრში. ძნელია კაცმა უფრო მოკაზმული რამ წარმოიდგინოს, ვიდრე ეს ფერადებით მდიდარი, ბრწყინვალედ განათებული ზალაა, რომლის ლოკები სავსეა უსამანეს ქართველ ქალებით, თავისი, გემოვნებით სავსე, მოხდენილ ჩაცმულობით და მდიდარ თავკაზმულობით, გრძელ ვერცხლით ნაკერ ლეჩაქებში, «ათასი და ერთი ლამის» ზღაპრებს რომ მოგაგონებენ...

დიდი ინტერესი გამოიწვია ჩვენში ძველი ტფილისის ნანგრევებმა, თავისთავად ღირს-შესანიშნავია იმ ისტორიულ მოგონებებით, რომელნიც აკვშირებენ ქალაქს და ამ ნანგრევებს. მაგრამ ორმაგად უფრო მიმზიდველია მათი მდებარეობა; შეუდარებელ სანახაობას რომ შლის მაყურებელის თვალწინ:—წინ ქვევით ქალაქი და შორს, შორს კავკასიონი დათოვლილ ქედებით... მაგრამ დაფებრუნდეთ ისევ ჩვენ ჰაერით მდიდარს, გამაცოცხლებელ მამა-დავითს და მის მონასტერს, რომელიც გაუთხოვარ ქართველ ქალების საყვარელი სალოცავია: აქ ისინი ეკითხებიან მუხჯ ორაკულს, როდის მოითხოვს და წაიყვანს მათ სათაყვანებელი სახედო...ეკლესიის პატივცემულ მამებს მიჰყავთ ახალგაზდა ქალები ერთ პატარა გამოქვაბულთან, რომელიც ეკლესიის კედელშია... ყოველი მათგანი ისგრის ამ გამოქვაბულისაკენ დანიშნულ ადგილიდან კენჭს. თუ კენჭი გამოქვაბულში ჩავარდა, ხომ კარგი, თუ არა და მშინ საბედოს დააგვიანდება... სულ უიმედოთ არ ისტუმრებენ კეთილი მამები თავის მომავლით ასე დაინტერესებულ ქართველ ქალებს...





აქედან ჩვენ ტფილისის ბოტანიკურ ბაღის დასათვლიერებლად წავდიით. ეს საქმე სულ ახალია ამ ქალაქისათვის... სულ რამდენიმე წელია, რაც დაუწყიათ... კიდევ რამდენიმე წელი ბეჯით მუშაობისა და კარგ მოვლისა... და ტფილისის ბოტანიკური ბაღი მედიდურად გვერდში ამოუდგება ევროპის საუკეთესო ბოტანიკურ ბაღებს...

უკანასკნელად ჩვენ ქალაქის ახიურ ნაწილს ვესტუმრეთ. ქუჩები აქ ვიწროა, მაგრამ არც, ისე როგორც ქაიროში და სტამბოლში... სავაჭროები აქ მთლად ღლია. და მიუხედავად იმისა, რომ ქუჩაზე არაჩვეულებრივი მოძრაობა და ხმაურობაა, შიგ მყოფნი მეტის სიბეჯითით მუშაობენ: ყველა კერავს თუ სცემს ჩაქუჩს,—მუშაობს და თან ხუმრობს. ხელოვნობის ყოველი დარგი არის აქ წარმოდგენილი. რას არ შეხვდებით?! საიარალოში საუკეთესო რკინას ხმლისათვის, საუნაგროებში შეუდარებელ სამკაულს ცხენისთვის. ვერაფერს ნახავს ადამიანის თვალს ულამაზესს ქართველ ქალის სარტყლისა ზედ დაკიდებულ პაწია ხანჯლით. ევროპის სალონების ელევანტობით დამთვრალი ქალიც არ დაფიქრებოდა ერთ წუთსაც, რათა დამშვენებია თავისი განებივრებული ტანი ასეთ სამკაულით. მაგრამ ევროპიელისათვის ეს კი არ არის იმდენად საინტერესო... საინტერესოა ქუჩა და აქ მოძრავი ხალხი! როგორი ფერადი, ყოველ წუთში ცვალებადი სურათია! სპარსი, თათარი, სომეხი, ჩერქეზი, ქართველი,—ქართველი ქალი გრძელ თეთრ ლეჩაქით და მალალ-ქუსლიან ქოშებით:—არც ერთ ქვეყანას არ შეუძლია დაიკვეხოს ასეთ მრავალფეროვნებით, ორიგინალობით, სილამაზით. ქეშმარიტად, ვისაც სურს ნახოს თავისი თვალთ ის ადგილი, სადაც ევროპა და აზია ერთმანეთს ეხებიან, უკეთ რომ ვსთქვათ, სადაც ისინი ერთმანეთს უპირდაპირდებიან, მან უნდა ნახოს ტფილისის ბაზარი...

ამ ბაზარს აკრავს კარგათ მოზდილი მოედანი, რომელზედაც ვაჭრობენ: ფქვილით, ხორბლით, საქონლით და მწვანელობით. აქედან აღმართ მიმავალ ქუჩით უბრუნდებით ისევ ქალაქის ევროპიულ ნაწილს და მის კონტრასტებს... აგერ ტფილისის საუკეთესო სასტუმრო «პოტელ დე ლ'ევროპ» ფართო შესავალით და მშვენიერი ბალკონით... ფიქრი უნებლიეთ უკან იხევს და თვალს ავლებს რამდენიმე წინა დატოვებულ ორიენტის საკვირველ კუნძულს... ერთხელ კიდევ, ერთხელ კიდევ...

24 სექტემბერს გერმანელი პრინცი თავის ამალით გამგზავრებულა ბაქოსკენ. გაუვლითა გომბორი, უნახავს შუამთის მონასტერი, სადაც მას დიდის სტუმართმოყვარეობით გამასპინძლებიან ბერები, ალავერდში დასწრებია ეკლესიის დღეობას, დაუთვლიერებია თვით მონასტერი და 26-ს შესულა თელავში. ცოცხლად და საინტერესოდ არის აწერილი და გადმოცემული ეს მგზავრობა.—მიღებული შთბუქილებები;—ბუნება, ხალხი, მისი ჩვეულებები დიდ აღტაცებას იწვევენ მგზავრებში. მხოლოდ ცუდი გზებით ვერ არიან კმაყოფილი ჩვენი სტუმრები და ამაზე ამკარად თავის გაკვირვებას გამოსთქვამენ.

«ვერ კიდევ სინათლე იყო, როდესაც ჩვენ თელავს მივალწიეთ. მასპინძლები შეუდგენ ჩვენ დაბინავებას. რადგან მაზრის უფროსის ბინამ ყველა სტუმრები ვერ დაიტია, ამიტომ მათი ერთი ნაწილი მოათავსეს მეფე გიორგი მეცამეტეს ყოფილ სასახლეში, რომელიც გადაკუთრებს მთელ ალაზნის ველს. იმ დამესვე ჩვენ პატივსაცემლათ გაიმართა დიდი ბალი, რომელსაც მრავალი ხალხი დაესწრო. ბალი გაიხსნა 9 საათზე სასახლის დაბლა სართულში... მეტად საინტერესო შენობაა სასახლე:—მისი სტილი შეერთებია ქართლისა და სახოგადოთ ირინტალურ არქიტექტურის ფორმების, რაც ამ სამასი წლის სახლს განსაკუთრებულ თავისებურობის ნასიათს აძლევს. საუბედუროდ, ეტყობა არაფერი გაკეთებულა ამ ღირსშესანიშნავ ხელოვნების ნაშთის, მისი კონსტრუქციის შესანახად, მოსალოდნელია ამ შენობის სრული დანგრევა. დიდი შთაბუქილება მოახდინა ჩვენზე დარბაზმა, მორთულმა საუკეთესო სპარსული ხალიჩებით,—ის კიდევ უფრო გაიხარდა, გაორკეცდა მისი სიძლიერე, როდესაც ჩვენ ვიხილეთ კედლების გასწვრივ დამჯდარი ქართველი ქალები თავის მშვენიერ ეროვნულ ტანსაცმელში... ამ საუცხოვო, მოულოდნელმა სურთმა დავგვიპარო... შთაბუქილება კიდევ უფრო ძლიერი იქნებოდა, რომ დარბაზის არაჩვეულებრივ სიდიდეს და კედლების სიმაღლეს, ხალიჩების ფერს და მის ნაირ-ნაირობას არ შეეხუსტებია განათების ძალა... 15 ულამაზესი ქართველი ქალი გავაცნეს... საუბედუროდ ბაასი შეუძლებელი გახდა, რადგან, მხოლოდ დიასახლისმა და ერთმა თავადის ქალმა ქაჯქავაძისამ იცოდნენ ფრანგული (როგორც მითხრეს, ეს უკანასკნელი გიორგი მეცამეტის შვილის შვილია)... მხოლოდ რუსი ქალები მოვიდნენ ფრანგულ ტუალეტებში გამოწყობილი.—ქართველი ქალები ეროვნულ ტანსაცმელში ბრწყინავდნენ:—ნაზ ფერებს მდიდარი სამკაული ამშვენებდა... დაიწყა ცეკვა... შეასრულეს ლეკური... მოჰყვება აღწერილობა:—მისი ფორმა და შინაარსი.

«შესაძლებელია გადმოცემაში უბრალოდ, მოსაწყენად მოგჩვენოთ ეს ცეკვა,—მაგრამ აბა ნახეთ მისი შესრულება ქართველ ქალისა და ვაყის მიერ! სხვა, გარდა დაბადებით კავკასიელისა, ვერ შეასრულებს ამ ცეკვას ისე, როგორც ამას თვით მისი სული მოითხოვს... ერთხელ მხოლოდ ვნახეთ ჩვენ რუს ოფიცერის ლეკური, მაგრამ... ეს ოფიცერი დაბადებით ქართველი გამოდგა»...

28 სექტემბერს ჩვენ აღვეძრა სურვილი ქართველი მეფის ძველ სასახლის კვლავ ხილვისა:—გვინდოდა განმეორებით დავმტკბარიყავით ამ შენობის თავისებურობით და ალაზნის ველის შეუდარებელ სანახაობით მოვხიბლულიყავით...—ეხლა დღის სინათლეზე... მართალია თავ. ანდრონიკაშვილი, როდესაც ის თავის წიგნში თელავის მაზრაზე ამბობს: ასეთი გადასახედავი სხვაგან არსად მოიპოვებია.

აქედან ჩვენ ვესტუმრეთ წინანდალში თავ. ქაჯქავაძეს. თვითონ თავადი ავად იყო და ჩვენ მივიღო ღრმად პატივცემულმა დიასახლისმა და მისმა დამგენ. ორბელიანის მეუღლემ (ეს ის გენერალია, რო-





მელიც 1855 წ. ყარსთან დაეცა.—მა თავ. გრ. ორბელიანისა). ამ თავადის ქალების გაცნობა მეტად საინტერესო გამოდგა: ჩვენის თხოვნით მათ გვიამბეს ისტორია «შაშილის მიერ მათი დატყვევების და 8 თვის შემდეგ განთავისუფლებისა». ეს ამბავი მთლიანად არის მოყვანილი წიგნში.

ბაქოსა და ერევნის გუბერნიების მოვლის შემდეგ, პრინცი თავისი ამალით ისევ ტფილისში დაბრუნებულია და აქ X.26-მდე დარჩენილა. გრიგ. ორბელიანს, როგორც მთავრობის უმაღლეს წარმომადგენელს მოუწევია აქ მისთვის ნადირობა და წასვლის წინა დღით ბალი, «რომელიც დაგვირგვინება იყო ყველაფერ იმისა, რაც ჩვენ ამ შეუღარებელ ქალაქში, მიმზიდველ, მშვენიერ, ვარდების ტფილისში განვიცადეთ. ბალის დიასახლისი იყო რძალი თავ. გრიგოლისა, რომლის ტყვეობაზე უკვე მოგახსენეთ, და რომელიც ცენტრი იყო მთელი ამ ბრწყინვალე საზოგადოების ყურადღებისა...»

26-ს 10 საათზე დავტოვეთ ტფილისი... ჩემს სამშობლოში ეხლა აღბათ უკვე შემოდგომის სიცივეებია,—აქ კი ჯერ ნამდვილი ზაფხულის ბრწყინვალე დღეებია:—მზეს სინათლის ჩარჩოებში ჩაუსხამს ქალაქი, ლამაზი ტფილისი»...

ისევ მცხეთა, მერე გორი, სურამი, ხარაგაული, შორაპანი, ყვირილა და... «როდესაც მალაოზიდან ჩვენ თვალწინ რიონის ქალები გადაიშალენ, დავინახეთ მშვენიერი ქუთაისი მისი თეთრი სახლებით მწვეანში რომ იმალებიან... ბალია ქუთაისი... მოსჩანს რიონი, ძველთა ფაზისი, ვხედავთ ნანგრევებს—მოწმეთ ძველ დიდებისა... ჩამოვხტით გუბერნატორის ბინაზე, რომელიც ზედ რიონის პირზეა და რომლის წარსული დაკავშირებულია მეტად სამწუხარო მოგონებასთან: აქ სვანეთის თავადმა კონსტანტინე დადიშვილიანმა მოკლა ქუთაისის გუბერნატორი თავ. გაგარინი»... მოყვლილია, როგორც ვთქვი, სრულებით დამახინჯებულად ამ მოკვლის ამბავი.

«თავ. დადიშვილიანი განსაკუთრებული სილამაზის კაცი უნდა ყოფილიყო... თვით გუბ. თავ. გაგარინი იტყოდა თურბე მას: «ასეთი მშვენიერი აღბათ პირველი ადამიანი იყო, ღმერთის სადარი»-ო. კონსტანტინე დადიშვილიანი დახვრიტეს მკვლევლის მეორე დღეს. ამბობენ:—მას შიში არ უგრძენია-ო...

როგორც ყოველგან, აქაც ჩინებულად, გულგამილიად მიგვიდეს...

29 ოქტომბერს, ე. ი. მეორე დღეს, ჩვენ ვანვაგრძელებთ მგზავრობა»...

სტუმრებს ვადაულოხავთ რიონი, ცხენისწყალი, გაუფლიათ სუფსა, ვარა(!). სადაც მათ თავ. ერისთავი ქართველური, გულუხვობით ნადიმით, მოსვენებით, მდიდარ საჩუქრებით გამასპინძლებია და ფრიად ნასიამოვნები ოზურგეთისაკენ გამგზავრებულან...

«ორი საათი ვიარეთ ცხენებით და ბოლოს ერთ მაღლობს მივადექით... აქ ჩვენ მისაღებად 100 ახალგაზდა ცხენოსნით ოზურგეთიდან წამოსულ თავ. დიმიტრი გურიელის ბრძანებით აემენებიათ ხის ტოტებისაგან მშვენიერი ფაცხა... ეს ადგილი თავადმა აღბათ იმიტომ ამოარჩია, რომ აქედან საუცხოვო სანახაობა იშლებო: მთები, ქალები და შორს, შორს

შავი ზღვაც კი მოსჩანს, თუმცა ჩვენ მისგან 28 ვერს-კით ვარ-დაშორებული... მშვენიერი ამინდია... ჯერ კიდევ ცოცხალ მწვანით ვართ ვარშემორტყმული»... აქ წიგნის ავტორი ასწერს მასპინძელისა და მის მსლებლების ჩაცმულობას:—ჩაქურას, იარაღს. აღტაცებულია, გაკვირვებული.

და შემდეგ დასძენს:

«მაგრამ ჩაცმულობაზე უფრო ჩვენ ყურადღებას იპყრობს ამ გურულების ტანადობა. ესლა ჩვენ გურულების ტერიტორიაზე ვიმყოფებით... გრძელი, თლილი ცხვირი, თავისუფალი შუბლი, შავი მოყვავით თვალები, ისპანური ფერის სახე,—ერთი სიტყვით იდეალური ტიპი კავკასიურ რასისა, რაც მით უფრო სასიამოვნოდ გვხვდება თვალში, რომ გურულები შედარებით სხვა კუთხეების ქართველებთან უფრო რბილი, ნაზი, აღტაცებული არსებანი არიან. თვით სიმღერებში, ცეკვაში, იარაღის თამაშში ნათლად სჩანს ეს განსხვავებული ხასიათი გურულებისა... ჩვენ ჩვენის თვალთ ვნახეთ ეს განსხვავება:—იქ ალავერდში და აქ ოზურგეთთან... ორივე მეტად საინტერესოა—ალავერდი და ოზურგეთი—, მაგრამ სხვა და სხვა ხასიათით... იქ ალავერდში ჭიდაობის დროს სისხლი სდიოდა მოწინაამდეგებს, აქ ოზურგეთთან ცეკვაში, თამაშში მოქმედებას უფრო ნაზი გამოხატულება ეძლეოდა... ეს სხვადასხვაობა მოასწავებს ერის სულიერ სიმდიდრეს... მაგონდება ჩემი სამშობლო... საუცხოვო დროს გატარების და საუზმის შემდეგ ვაგემგზავრეთ ოზურგეთისაკენ და ჩამოვხტით იმავე თავ. დიმიტრი გურიელის სახლში... აქ ჩვენ გავიცანით თავ. დიმიტრის და ქ. ი. დესპინე მარამბეგრატიონისა—ქვრივი ასე 45 წლისა—და მისი ორი ქალიშვილი...

ვერსად ვერ ნახავთ თქვენ ისეთ ლამაზ ხალხს, როგორც აქ იმერეთში, გურიაში, შავი ზღვის პირას.. განსაკუთრებით ეს მამაკაცებზე ითქმის. სახის ფერი, წვერ-ულვაში, თვალები, კბილები, ფართოდ გადაშლილი გულმკერდი, წელი, ფეხები და ყველა ამასთან ჩაცმულობა, გვაძლევს ჩვენ ევროპელებს საშუალებას გავიცოთ, თუ რატომ სდგას კავკასიური ოასა სხვა რასებზე მაღლა... შთაბეჭდილებანი, ჩვენ მიერ აქედან გატანილნი, წარუშლელად დარჩებიან ჩვენს მახსოვრობაში»...

ყველაფრით კმაყოფილნი არიან გერმანელი სტუმრები:—ბუნებით, ხალხით, მის ჩვეულებებით, სტუმართმოყვარეობით... არ მოსწონთ გზები, მიმოსვლის საშუალებები და... ერთი ამბავით კი ძლიერ ნაწყენი არიან: მეტად უხეშად და უზრდელად მოპყრობია მათ ნიგოთში რომელიღაც თავ. მაჭუტაძე, რომელიც სტუმრებს არც კი მიეცებოდა მისაღებად... ღამე მგზავრებს ძლიერ უსუფთაო საწოლში «მოუსვენიათ»: ბაღლიჯობმა დაგვკამეს-ო, ჰყვირის წიგნის დამწერი... რა უნდა ასეთ ადამიანს ასეთ კარგ ხალხში—უმატებს ის...

1 ნოემბერს ჩვენი სტუმრები ქუთაისში დაბრუნებულან... 2, 3 ვაუფლიათ ხარაგაული, სურამი და მისულან გორში... 4 შედგომიან საქართველოს სამხედრო გზას კავკასიისაკენ.

«1834 და 1846 წ. ეგვიპტეში ვიყავით—ამბობს



შესავალში ავტორი. ვნახეთ ნილოსი, ქაირო, სუეცი, გაცა და რამლაჰ, გავიარეთ სირიის ნაწილი და ვესტუმრეთ იერუსალემს.

ეგვიპტე და კავკასია! 1843-1846-1862 წლები. კავკასიის და ფელაქების რასა. იქ ბედუინები, აქ ქართველები. იქ უდაბნო, აქ ტყით მოსილი მთები. იქ დაცემული ცივილიზაცია, აქ შეჩერებული კულტურა, რომელშიდაც შედის გამარჯვებით ევროპის ცივილიზაცია. ამ წინააღმდეგობათა გათვალისწინებამ და მდიდარმა შთაბეჭდილებებმა დაგვაწერია ჩვენ ეს წიგნი:—ეს არის წითელი ზოლი ჩვენი მოგონებებისა».

მ.—ანი.

### აზერბეიჯანის ეროვნული ბრძოლა

(იქვემდებარება მღვდელმთავრის, რამდენიმე წავით-სული იყო ვარშავის «რემონტის»-ს კვლევაში)

აზერბეიჯანი იბრძვის ბოლშევიკების წინააღმდეგ, ბრძოლა სწარმოებს სხვადასხვა დარგში, სხვადასხვა სახით. ბრძოლა უთანასწოროა, პირობები მძიმეა, მაგრამ აზერბეიჯანელი ხალხი არ ნებდება მტერს და იარაღს არ დაყრის, სანამ არ გაიმარჯვებს. 1924 წლამდის, თვით კომუნისტების სიტყვით, აზერბეიჯანის სხვადასხვა ნაწილებში 56-ზე მეტი აჯანყება იყო. მოძრაობა განახლდა 1929 წ., გაგრძელდა ორ წელს და მოედვა მთელს აზერბეიჯანს. ბრძოლის მიზანი ნათელია—თავისუფლება, დამოუკიდებლობის აღდგენა.

და ეს ახალი არაა აზერბეიჯანელი ხალხის ცხოვრებაში, იგი არასოდეს შეირყებია რუსეთის დამკვიდრებას თავის ქვეყანაში. აზერბეიჯანელები ებრძოდნენ რუსებს არა მხოლოდ პოლიტიკურად, არამედ სოციალურადაც. რუსის მთავრობამ რომ აზერბეიჯანში ბატონყმობის დამყარება მოინდომა, ამან დიდი სახალხო მოძრაობა გამოიწვია, რამაც გამოხმაურება პოეზია ხალხურ პოეზიაშიც...

რუსების მიერ ძალით მოსპობილ ძველი აზერბეიჯანის ნანგრევებზე წელნელა აღმოცენდა ახალი აზერბეიჯანი. გაჩნდა ახალი ბურჟუაზია, გაჩნდა ევროპული განათლებით აღჭურვილი ინტელიგენცია. აღორძინდა ახალი მწერლობა, რომელსაც ამშვენებდნენ ისეთი მწერლები, როგორიც იყო დრამატურგი მირზა ფატალი ახუნდოვი. პოეტი საბირი, პუბლიცისტი ჰასან ბეი მელიქოვი. ამ მწერლობის მთავარი მამოძრავებელი აზრი იყო ადამიანური და ეროვნული თავისუფლება. პოეტმა მუჰამედ ხადიმ დასწერა პოემა «თანასწორობის ქვეყანა», რომელშიაც მოითხოვდა უსამართლობის და ჩაგვრის მოსასპობად უფლებრივ დემოკრატიულ სახელმწიფოს შექმნას და ამბობდა, რომ ბედნიერების მოპოვება მხოლოდ ეროვნული თავისუფლებით შეიძლება.

აზერბეიჯანული პრესის დამაარსებელი და პირველი ჟურნალისტი ჰასან ბეი ჰქადაგებდა 1875 წ., რომ აზერბეიჯანის ერის არსებობისა და წარმატე-

ბისათვის აუცილებლად საჭიროა ეროვნული და ევროპულ საფუძველზე აგებული სკოლა, ეროვნული სასამართლო და ადმინისტრაცია, საჭიროა თავისუფლება პიროვნული და საზოგადოებრივი.

შემდეგი პუბლიცისტები გაჰყვეს ჰასან ბეის გზას და მათი მოძღვრების შინაარსს მუდამ შეადგენდა ხალხოსნობა. ეროვნება, თავისუფლება, თანასწორობა და ევროპული კულტურა.

ასე დემოკრატიული და ეროვნული იყო 1911 წელს დაარსებული «მუსავატის» პარტია, რომელიც მოითხოვდა აზერბეიჯანის დამოუკიდებლობას და საერთოდ მთელი კავკასიის ეროვნულ სახელმწიფოებად დაყოფას და მერე საერთაშორისო ფედერაციის მოწყობას.

ბოლშევიკებმა აზერბეიჯანი რომ დაიპყრეს, მხოლოდ სამასი კომუნისტი დახვდათ მთელ აზერბეიჯანში და ისიც მეტ წილად სხვა ეროვნებისანი იყვნენ. მაშინ რუსეთში უკვე «ნეპის» ხანა დაიწყო და აზერბეიჯანში ოკუპანტების მართველობა დაეყრდნო გლეხობას და წვრილ ბურჟუაზიას. ბოლშევიკებმა იწყეს მუშაობა წვრილ ბურჟუაზიის წარმომადგენელ ინტელიგენციასთან, შეკრეს ერთგვარი კავშირი ხალხოსნურ მწერლობასთან, რომელთაც «თანამგზავრები» უწოდეს და ხალხოსნური პოეტი საბირი თავისადაც გამოაცხადეს და ძველი ცოცხალი და უდგეს ბაქოში. ბოლშევიკებს უნდოდათ ხალხოსნები გამოეყენებიათ «ნაციონალისტების» წინააღმდეგ, რომელთაც უპირველეს საჭიროებად მიაჩნიათ დამოუკიდებლობა და ეროვნული სახელმწიფო.

1926 წელს ძირიანად შეიცვალა მდგომარეობა. წვრილმა მესაკუთრებმა, გლეხებმა ბატონობა მოიპოვეს ყველგან. ყველა საბჭოები და კომუნისტები მათ ხელში იყო. დაიწყეს მოთხოვნა, რომ სახელმწიფო მონოპოლია მოსპობილიყო და გამოეცხადებიათ ვაჭრობის თავისუფლება. გლეხებმა აბუჩად აიგდეს სახელმწიფო დაწესებულებანი, თავისი საქონელი გამოიტანეს ბაზარზე და თავისუფალ ფასად ყიდდნენ. მთავრობას დაეკარგა ავტორიტეტი და შეირყა მისი ფინანსურ ეკონომიური გეგმები.

ბოლშევიკები ამხედრდნენ გლეხების წინააღმდეგ. აზერბეიჯანის კომპარტიის თავმჯდომარე მირზოიანი ამბობდა: პროლეტარული ბაქო გარშემოტყეულია ნაციონალურად განწყობილ გლეხობით, რომელსაც უნდა პროლეტარულ დიქტატურის გაუქმება.

წინად მირზოიანი ნეპის და გლეხობის დიდი დამცველი იყო. მაგრამ ესლა მდგომარეობა შეიცვალა.

1927 და 28 წ. აზერბეიჯანის საბჭოების არჩევნებს სისხლის ღვრა მოყვა. ხმა-ჩამორთმეულმა გლეხებმა კომუნისტები და მათი კანდიდატები გამოირყვეს და თვითონ გაბატონდნენ საბჭოებში. მსგავსი ამბები განმეორდა პურის დამზადების დროსაც.

ოკუპანტები დიდ საგონებელში ჩაყარდნენ. მდგომარეობას ართულებდა კიდევ ის გარემოება,





რომ აზერბეიჯანელი კომუნისტები «ნეიტრალი-  
ტეტს» იცავდნენ და გლეხებს არ ებრძოდნენ.

მოსკოვმა გადაწყვიტა «გაწმენდის» მოხდენა  
აზერბეიჯანში, რაც დაიწყო მეთაურებიდან. 1929 წ.  
25 ივლისს გასცა ბრძანება აზერბეიჯანის ცენტრალ-  
ულურ, საქალაქო, სამხარო და სასოფლო კომუნისტ.  
ორგანიზაციების წევრების გამორიცხვის შესახებ და  
მათ ალაგას ახალი პიოები დანიშნა ცენტრიდან. ყვე-  
ლაზე მეტს ბრალს სდებდნენ ბაქოს ორგანიზაციას,  
რომ არ ებრძოდა წვრილ ბურჟუაზიულ და ნაციონალ-  
ისტურ მიდრეკილებას, რომ მათ შორის იყვნენ  
ისეთებიც, რომლებიც აზერბეიჯანის დამოუკიდებ-  
ლობასაც კი ფიქრობდნენ და ებრძოდნენ მოსკოვის  
ბრძანებლობას და ხელმძღვანელობას...

მეთაურების გარეკის შემდეგ მოსკოვი შეუდგა  
საერთოდ პარტიის გაწმენდას. აზერბეიჯანის ახალ-  
გახდა კომუნისტებიდან გამორიცხეს წევრთა სამი  
მეხუთედი, გლენთა რიცხვი პარტიაში სამოც პრო-  
ცენტიდან დაიყვანეს 13 მდე. გლეხებს წაართვეს სა-  
არჩევნო უფლებები, ჩამოართვეს «ხედმეტი» მიწები,  
დაუწყეს დენა კოლპერატოვებიდან. ეს იყო კოლექ-  
ტივიზაციის მოახლოება.

მაღე ბოლშევიკებმა დაიწყეს ეს კოლექტივიზა-  
ციაც. რომელსაც სასტიკი წინამდევობით შეხვდა  
მთელი აზერბეიჯანი. 1929 წ. დასასრულიდან 1931 წ.  
ნახევრამდე გლენთა საყოველთაო აჯანყება იყო. ნა-  
მდვილი ომი სწარმოებდა, გახებით, ჰაერობლანე-  
ბით...

მოხდა დიდი გადატეხა საზოგადოებრივი აზრის.  
აზერბეიჯანის ყველა ინტელექტუალური და ფიზი-  
კური ძალა შეეჩთა ეროვნების, დამოუკიდებლობის  
და დემოკრატიული რესპუბლიკის დროშის გარ-  
შემო. ბოლშევიკებს გაუდგნენ არა თუ აგრე წოდებ-  
ული «თანამგზავრები», არამედ თვით «პროლეტარულ»  
მწერლობაშიაც გაისმა ეროვნული მოტივი...

როგორია აზერბეიჯანში მდგომარეობა დღეს?  
ამის პასუხს გვაძლევს აზერბეიჯანის კომპარტიის  
თავმჯდომარე პოლონსკი: პარტიის გაწმენდის შემ-  
დეგ გაჩნდნენ ახალი ოპოზიციონერები, რომლებიც  
ებრძოდნენ ლომინამესთან ერთად გენერალურ ხაზს;  
ამათი განდევნის შემდეგ თავი წამოყვეს ახალმა ოპო-  
ზიციონურმა ჯგუფებმა, ზოგნი სოციალიზმის წინა-  
ამდგენი არიან, ზოგნი თავგამოდებით იცავენ ადგი-  
ლობრივ ნაციონალიზმს და რუსეთისაგან ჩამო-  
შორებაც კი უნდათ. პოლონსკი მოითხოვს გა-  
ძლიერებულ ბრძოლას ნაციონალიზმის წინამდგე  
და «მუსავატ»-ისტურ მიდრეკილების სრულს ამო-  
ფხვრას...

მაგრამ ბოლშევიკების ცდა ამაოა. აზერბეიჯანში  
ბრძოლა არ შეჩერდება, ბრძოლა ეროვნების გამარ-  
ჯებადმდე, დამოუკიდებლობის სრულ აღდგენამდე.  
აზერბეიჯანი იბრძვის და ის კარგად ხედავს, რომ  
საერთო ჭირი და უბედურება აერთებს მას კავკასიის  
სხვა ერებთან, უკრაინასთან, თურქესტანთან და სხვა  
დაჩაგრულ ერებთან.

### მარკსული მოძრაობა მაჰმადიანთა შორის

პოლიტიკური ცვლილება.

უმთავრესი უბედურება აღმოსავლეთისა იყო  
მისი პოლიტიკური ტრადიცია. სახელმწიფოებრივ  
წყობილების ტიპური ფორმა აღმოსავლეთში იყო  
დესპოტიზმი, სადაც ხელმწიფის ნება იყო კანონი და  
ქვეშევრდომნი—მონები. ერთადერთი დაბრკოლება  
დესპოტიზმისა იყო რჯული, მაგრამ, სამღვდელ-  
ობას თუ ხელს არ ახლებდა, დანარჩენში თავისუ-  
ფალი იყო, როგორც უნდოდა მოქცეულიყო.

ესლა გამოცდილებამ საბოლოოდ დაგვიმტკიცა,  
რომ დესპოტიზმი სახელმწიფოებრივ წყობილების  
ცული ფორმაა. არსებობს «კეთილ დესპოტის» ლე-  
გენდა. ასეთი დესპოტი წარმოდგენილია, როგორც  
თავის ერის მამა, რომელსაც გარს ახვევია ბრძენი  
მრჩეველები და რომლისათვისაც კმარა თავი გაიქნი-  
ოს, რომ ყოველივე უბედურება მოჰსპოს. ასეთი  
რამ ზღაპარშია კარგი, სინამდვილეში კი «კეთილი  
დესპოტი» იშვიათი მოვლენაა და უფრო იშვიათია  
ღორსი მემკვიდრე. ჩვეულებრივ «ერის მამას» ფუ-  
ფუნების მოყვარული შვილი ჰყავს და გარყვნილი  
შვილიშვილი. სამწუხარო სამება,—დავითი, სოლო-  
მონი და როზამი,—ისეთის მსგავსებით მეორდება  
მუდამ ისტორიაში, რომ მისი გადასხვეფერება უი-  
მედოა.

დასავლეთს არასდროს არ ჰსცოდნია ამ სახის  
დესპოტიზმი<sup>\*)</sup>, აღმოსავლეთის ხელმწიფეს შეუძ-  
ლია ჩიკეტოს თავის ჰარამხანაში და მთელი მარ-  
თვა გამგეობა ჩააბაროს ვეზირს. ეს უკანასკნელი  
ხდება ამ შემთხვევაში დესპოტი, რომლის ნებას  
ემორჩილება ყოველივე, იმ განსხვავებით ოღონდა,  
რომ საღამოს რომელიმე ტურფას უბრალო წარბის  
შეკვრაზე ხელმწიფეს შეუძლია გაუგზავნოს ვეზირს  
ხანგი საჭურისის ხელით თოკი, და ვეზირი მზამო-  
უღებლოვ თვითონ გაჰყოფს კისერს სახრჩობელაში.  
აი ნამდვილი აღმოსავლეთური დესპოტიზმი.

ცხადია, რომ ასეთი ტრადიცია ვერ შეჰქმნიდა  
ვერასდროს წესიერ მთავრობას და ვერავითარ პრო-  
გრესს. ამიტომ, თუ გამოჩნდება დროგამოშვებით  
მხნე და გაბედული ადამიანი, რომელიც ვითომდა  
წესიერად მართავს ქვეყანას, მოკვდება თუ არა, რაც  
უნდა ნიჭიერი მემკვიდრე დარჩეს ტახტზე, ის უკვე  
გარყვნილია იმ პირობებით, რომელშიაც აღიზარ-  
და, და, რაკი არავითარი სახელმწიფოებრივი წყო-  
ბილება არ არსებობს, რომელიც ერთხელდასამუ-  
დამოდ არის აწყობილი და ავტომატურად მუშა-  
ობს, ყველაფერი ირევა და იშლება. უარესი ემარ-  
თება შვილიშვილს. მის ხელში სახელმწიფო ნაწილ-  
დება, ჩნდებიან პატარა ხელმწიფეები და ასე გრძელ-  
დება, ვიდრე ერთი ამ პატარა დესპოტთაგანი არ გა-  
ბატონდება. და ისევ იწყება დავით, სოლომონ და  
როზამის ძველი ამბავი.

\*) არც საქართველოს. ქართველი მეფეები დასა-  
ვლეთის მეფეთა მსგავს ტიპებათ უნდა ჩაითვალოს.



ასეთია მოკლედ აღმოსავლეთის პოლიტიკური ისტორია.

მაგრამ მთელი აღმოსავლეთი არ წარმოადგენდა ერთს დესპოტიზმს. აქა იქ იყვნენ ხალხები, უმთავრესად მთიელები, რომელთაც სძულდათ დესპოტიზმი. ასეთი იყვნენ მუდამ არაბები. ჩვენ ვნახეთ, როგორ დაარსდა დემოკრატიული სახალიფო, როგორ გაიმარჯვა შემდეგ დესპოტიზმა და როგორ გაიხიზნენ თავისუფლების მოყვარული არაბები უდაბნოში. პოლიტიკური ლიბერალიზმი და სარწმუნოებრივიც გასრესილ იქმნენ თითქმის. თითქმის და არა სრულებით, მექას ხალიფობის ხსოვნა და მოტახელიზმიც მაინც დარჩა მუსულმანურ გონებაში; დარჩა თავისუფლების მოყვარული არაბებიც და ისლამიც. ხომ ვერცერთი ღვთისმეტყველი ვერ უარჰყოფდა, რომ მაჰმადს ნათქვამი ჰქონდა, სხვათა შორის: «ყველა მორწმუნენი ძმები არიან», ან «ყველა მუსულმანები თავისუფალნი არიან».

მართლაც მომხდარ ცვლილებებს არ შეეძლო წაეშალათ, რომ პირვანდელი ისლამი იყო უზენაესი გამოხატულება თავისუფლების მოყვარულ ერისა. ვამბერი ამბობს: ისლამი კი არ იყო, რომ განანდგურა აზიის დასავლეთი ნაწილი და შეჰქმნა ესლანდელი სამწუხარო მდგომარეობა, არამედ მუსულმანურ მეფეთა ტირანია; ამან დაამახინჯა წინასწარმეტყველის სწავლა, ამან ამონახა ყურანში ისეთი დებულებანი, რომელნიც საფუძვლად დაედო აბსოლუტიზმს.

ჩვენ ვნახეთ, რომ აღმოსავლეთის დესპოტიზმა მიაღწია თავის უკიდურეს მანქნობას მე-18 საუკუნაში. მაგრამ მუსულმანური აღორძინება იყო არა მხოლოდ რჯულის რეფორმა, არამედ პოლიტიკური პროტესტი გარყვნილ ტირანიის წინააღმდეგ, ამ მიზანგან მოვლენას გადაება დასავლეთიდან მონაბერი პოლიტიკური სული. შეგნებულმა მუსულმანობამ შეადარა აღმოსავლეთის ხრწან ევროპის კეთილდღეობას და დაასკვნა, რომ პირველის უბედურების მიზეზი მათი საბრალო მთავრობები უნდა ჰყოფილიყვნენ. გამოჩნდა ზოგი გვირგვინოსანიცკი. მაგ. ოსმალეთის სულთანი მაჰმუდი 2, რომელთაც მოინდომეს ევროპიულ პოლიტიკის ზოგი რამ მიეღოთ. ოღონდ მათ უნდოდათ ამასთან ერთად თვითმპყრობელობაც შეენახათ. ამიტომ, თუმცა გაიჩინეს ევროპის მიმსგავსებით კანცელარიები და მოხელენი, მაგრამ სამოქალაქო ადმინისტრაციამ, ბნელმა და უეცრმა, ადვილად შეითვისა ევროპიულ ბიუროკრატიზმის ბევრი ცუდი მხარენი, ხოლო კარგი ძლიერ ნაკლებათ.

გაჩნდენ ამავე დროს სხვა ჯურის რეფორმატორებიც, რომელნიც მოითხოვდნენ დასავლეთის სახის კონსტიტუციებს, პარლამენტებს და ამ რეფორმატორების რიცხვი თან და თან იზრდებოდა, და ბოლოს ოსმალეთში ნამდვილი პოლიტიკური პარტიები გაჩნდნენ. 1876 წ. ლიბერალებმა სუსტ სულთანს პარლამენტი დაარსებინეს.

ამ პირველ გამარჯვებას მოჰყვა რეაქცია. მუსულმანური მეფენი შეაშინა ლიბერალურ მოძრაობის ზრდამ. აბდულ ჰამიდმა მალე დახურა პარლა-

მენტი და აღადგინა დესპოტიზმი. 1908 წლ. ახალგაზდა თურქთა რევოლუციამდე აღარ ისმოდა ლიბერალურ მოძრაობის ჭაქანი. იგი სარდაფებში დამალა ან სამხდვარ გარეთ გაიხიზნა.

მე 19 საუკ. ბოლოს მხოლოდ ოთხი მუსულმანური სახელმწიფო იყო დამოუკიდებელი, — ოსმალეთი, სპარსეთი, მაროკო და ავღანისტანი. ორი უკანასკნელი მეტად ჩამორჩენილი იყო, ამიტომ ნამდვილი მოძრაობა დესპოტიზმის წინააღმდეგ შესაძლებელი იყო მხოლოდ ოსმალეთში და სპარსეთში. ოღონდ ისეთს ქვეყნებში. რომელნიც ევროპელებს ემორჩილებოდნენ, როგორც არიან ინდოეთი, ეგვიპტე და ალჟირი. ხალხი იმდენად განვითარებული იყო, რომ მასში პოლიტიკურ თავისუფლების მისწრაფებაც გაჩენილიყო და იმავე დროს უცხოეთის ბატონობის საძულვილიც, რომელსაც ველური ხალხებიც ისევე გრძობდნენ, როგორც განათლებულები.

საჭიროა ამ ორ მისწრაფების განსაზღვრა. ოსმალეთში და სპარსეთში მოძრაობის მიზანი იყო პოლიტიკური გადახალისება, რეფორმა, ხოლო ინდოეთსა, ეგვიპტეში და მსგავს ქვეყნებში — უმთავრესად დამოუკიდებლობა. ამ ქვეყნებში მოძრაობა უფრო ეროვნულია, ვიდრე ლიბერალური. მათ არც კი აქვთ წინასწარ გათვალისწინებული არაფერი პროგრამა იმ დამოუკიდებელ არსებობისა, რომლისთვისაც იბრძვიან. ამიტომაც არის, რომ ეს მოძრაობა თავს უყრის ლიბერალებსაც და ისეთს კონსერვატორებსაც, რომელნიც მხათ არიან დამოუკიდებლობა-მოპოვებულ თავიანთ სამშობლოში დესპოტიზმი გაამეფონ. ყველას აკერია პირზე სიტყვა თავისუფლება, და ეს თავისუფლება უცხოელებისაგან განთავისუფლებას ნაშნავს მხოლოდ. საზოგადოთ უნდა ვსთქვათ, რომ პატრიოტიზმს არა აქვს არსებითი კავშირი ლიბერალიზმთან.

მე 19 საუკ, მეორე ნახევრის რეაქციას მოჰყვა რევოლუციები. ოსმალეთში აბდულ ჰამიდი გადამოადგეს ტახტიდან და სპარსეთში მოჰამედ ალი შაჰი, და ორივე სახელმწიფოში გაჩნდნენ პარლამენტები. საუბედუროდ ორივე სახელმწიფოსთვის ორივემ ახალი ცხოვრება დაიწყეს, როდესაც ქვეყნიერობა იმ მიმეგ ხანას ვანიციდია, რომელიც დიდის ომით დამთავრდა.

სრულებით აკადემიურია საკითხი, შესწევს თუ არა ახლო და შუა აღმოსავლეთს ნიჭი თვითონ მართონ თავიანთი თავი. ე. ი, დაამყარონ და შეინახონ წესიერი პოლიტიკური ცხოვრება.

ამის შესახებ აზრები დიდად სხვაობს. პირადად მე ჩემი აზრი ვერ შევადგინე. ამიტომ მოვიყვან არსებულ აზრებს. მაგრამ მანამდე ყურადღება უნდა მივაქციოთ იმას, რომ, მაშინ როდესაც მუსულმანურ ხალხებს არაბეთის პოლიტიკური მაგალითი აქვთ და გარდა ამისა მათი რჯულიც შეიცავს ბევრ ლიბერალურ აზრებს, ინდოელებს არაფერი ამის მსგავსი არ აქვთ, ამათი პოლიტიკური წარსული დესპოტიზმის მეტს არას შეიცავს, ხოლო რჯული, ბრამანში, რომელმაც გაქვევებული კასტები შექმნა, ყველა სხვაზე მოკლებულია ლიბერალურ აზრებს.





აღმოსავლეთის ხალხების სრულ დამოუკიდებლობის მოწინააღმდეგენი გამოსთქვამენ იმ აზრს, რომ ღრმად გამჯდარი იმ ხალხებში დესპოტური ტრადიციები, მათი ზნე ჩვეულებანი, დაბალი მორალი, ისტორიის სივრცეზე შეთვისებული მონური ჩვეულებანი, ერთის მხრით, და ბატონობის მეთოდები მეორეს მხრით, ქმნიან იმ ვითარებას, რომ დასავლეთის ფორმები მათში გერეგან ფორმებათ დარჩება, ნამდვილი აზრი თავისუფლებისა, თანასწორობისა და კანონიერებისა კი გაუუნადებელი დარჩება, რადგან ძალაუფლება ან მაღალ კასტების წარმომადგენელს დარჩება, მაგალითად, ინდოეთში ან ევროპულად განათლებულს პატარა ჯგუფს (ოსმალეთში). იმ აზრის მომხრენი, რომლის თანახმად აღმოსავლეთის ხალხებს შესწევს დასავლეთის სახელმწიფო წყობილების შეთვისების ნიჭი, ამბობენ: ისლამიზმი უდემოკრატიული არის. არაბეთი ყოველთვის დემოკრატიულად იყო განწყობილი და ასეთივე რჩება დღემდის. თვით იმ წყობილებაში, რომელიც არსებობდა არაბეთსა თუ ოსმალეთში, იყო საპარლამენტო პრეცედენტები, რაიცა, ერთის მხრით, საჭიროა საპარლამენტო წყობილების შემოსაღებათ, და, მეორეს, ამ შესაძლებლობას ადასტურებს.

დიდმა ომმა იმდენად გააძლიერა აღმოსავლეთის ეროვნული მისწრაფებანი და შეასუსტა ევროპის ძლიერება, რომ უკანასკნელი იძულებული იყო ყოველგან შესაძლებელია ახლო და შუა აღმოსავლეთი გახდეს ავტონომიური, ან დამოუკიდებელიც. როგორ მოიხმარენ ამ თავისუფლებას, დაუბრუნდებიან დესპოტიზმს ან ანარქიაში ჩავარდებიან, თუ შესძლებენ წესიერ მთავრობის შექმნას? საკითხია.

**პარაზის ქართველ საზოგადოებაში**

ქ. ჩიღოყაშვილის ძეგლის გახსნა.

ოქტომბრის 16-ს პარიზის ქართველმა საზოგადოებამ, მიუხედავად მიმართულებისა, ბ-ნი ელჩის აკაკი ჩხენკელის თანადასწრებით, თავი მოიყარა სენტ-უენის სასაფლაოზე, სადაც ასვენია ჩვენი ეროვნული გმირი ქაქუცა ჩოლოყაშვილი. საფლავი აღარ წარმოადგენდა ძველებურ სანახაობას და სიამოვნებით შეხედავით ძველს, რომელიც დღეს ქაქუცას სამარეს ამშვენებს. გადატენილი სვეტი, სიმბოლო უდროოდ გადატენილი სიცოცხლისა, და სიტყვები წარწერილი მარმაროს დაფაზე:

«გადატყდა ხიცოცხლე შენი...»

გაგმეღდგნ საქმენი შენი...»

ზედმიწვევით გამოხატავენ, როგორც ჩვენი ეროვნული გმირის, ისე ქართველი ერის თავგადასავალსა და ბრძოლის გაგრძელებას... მეორე დაფაზე ამოჭრილია ჯვარი ვახისა მიკუთვნილი ფერით და წარწერა: «ქ. ჩოლოყაშვილი, 1888—1930». საფლავის ქვა არის ღია და მოკენჭილი მარმაროთი, —წინ კი არის ბაღჩა შემკული ჩარგული ყვავილებით. ამ დღეს მრავალმა

პირმა მოიტანა კიდევ თაიგულები. მღვდელმა აკურთხა ძეგლი. ვალობდა გუნდი. შემდეგ საფრანგეთში მყოფ ქართველთა ასოციაციის თავმჯდომარემ წარმოსთქვა სიტყვა:

«ჩვენმა ძვირფასმა, ეროვნულმა გმირმა ქაქუცამ კვლავ მოგვიყვანა ამ მწუხარების და თან წმინდა ალაგას. ბევრის შთქმელია ეს სანახაობა, რასაც აქ ვხედავთ, უაღრესად სიმბოლიურია. ჩვენი უდროვოთ დაკარგულ გმირის საფლავზედ ღირსეული ქვლის დადგმა დიდი ხანია გვაფიქრებდა პარიზელ ქართველობას. სულ თავში ჩვენ გვიტაცებდა სურვილი ამ ალაგას ისეთი ძეგლი დაგვედგა, რომ იგი სწორედ ღირსი ყოფილიყო განსვენებულის. პიროვნებისა, ყოფილიყო გამომხატველი მისი ღვაწლის. მისი სამშობლოსათვის თავდადებულ სამსახურის... გადიოდა ხანი და მცირე რიცხვნი, ძალზედ გაკვირვებული ქართველობა ვერ ახერხებდა ამას. როცა ეს გამოაშკარავდა, დაიბადა აზრი გვეფიქრა უფრო მაგტივი, დროებით ძველზე. ამის სისრულეში მოსახვანათ იყო კიდევ გადადგმული ნაბიჯი, საზოგადოებრივ აზრის გამოსარკვევად. როდესაც ამნაირს წინასწარ სამზადისში ვიყავით, გამოჩნდა ახალი მადლიანი ინიციატივა, რომელმაც იკისრა საერთო სურვილი განეხორციელებინა ახმაურების გარეშე, სწრაფათ და ქაქუცისადმი იმ ღრმა პატივისცემით და სიყვარულით, რომელიც ღვივის ყოველი ქართველის მეკრძში.

ბევრის შთქმელია და სიმბოლიურიც ეს გარემოება, რომ ამ საქმის პრაქტიკულად განხორციელება ითავა ქართველმა ქალმა, ქართველმა დედამ! მთლიანი საქართველოც ხომ ქართველ ქალად გვაქვს წარმოდგენილი: ხან ამაყი და ხალისიანი, როდესაც მისი ძენი ბედნიერებაში იმყოფებიან, ხან კი მგლოვიარე, დამწუხრებული, ოდეს მის ძეთა კარს მოადგა გასაპირი, მაგრამ მუდამ უამს მშვენიერი, მედიდური, სულით ძლიერი... სწორედ სიმბოლიურია ქართული ქალის ეს დღევანდელი თაოსნობა... სიმბოლიურია ამ ძეგლზედ გამოხატული ჯვარი ვახისა, ქართული ჯვარი! ესეც ხომ ქართველთათვის, მათ ეროვნულ სიმბოლოთ არის გადაქცეული. ჯვარი ქრისტესი ჩვენს წარმოდგენაში ვასცილდა მხოლოდ წმინდა და სასოებით აღსავსე რიტუალურ ნიშანს ღვთის მსახურობის დროს. იგი ამავე დროს სიმბოლოა წამების ქვემარტებისთვის, თავის დადების თავისუფლებისათვის, ბრძოლა მტარვლის დასამხობათ, დიდი ნუგეში დამწუხრებულთა და დევნილთა... ჩვენ ქართველთათვის ჯვარი ესე თვით ისტორიაა ქართველი ერის, მისი წარსულის მთხრობელი, მისი ბედნიერი მომავლის მეტყველი. აი ამ ჯვრის მფარველობის ქვეშ განისვენებს მშვიდად ჩვენი რაინდი.

მაგრამ ყველაზედ უფრო მეტად მეტყველი ის სანახაობაა, რასაც ჩვენს წინაშე აქ ვიხილავთ ჩვენ. დღეს ამ გმირის საფლავთან მოსულია თითქმის მთელი პარიზში მყოფი ქართველობა, განუჩრეკლად აზროვნების, მიმართულების, პარტიისა. დიდი ხანია ასეთი ერთ ოჯახათ თავმოყრა ქართველებისა არ გვინახავს აქ და ესეც ხომ სიმბოლიურია. ჩვენ აქ



ვღვგვართ იმ ეროვნულ გმირის წინაშე, რომელმაც ერთადერთი, დიადი მიზანი დაისახა თავის სამოქმედო: ბრძოლა სამშობლოს დასახსნელად! და ეს ჩვენი დღევანდელი შეკრება აქ გვიჩვენებს ცხადათ, რომ ჩვენ ამ ბრძოლისათვის ერთნი ვართ. მიუხედავთ ჩვენი აზრთა სხვადასხვაობის, დანაწილების, სამშობლოს იდეის წინაშე ჰქრება ჩვენი დაქსაქსულობა. გადავხედოთ სიყვარულით ქაქუცას საფლავს, რომელიც გვემუდარება და მოგვიწოდებს, ეს ერთობა სვალაც განვაგრძოთ, განვაგრძოთ იმ უამამდე, მანამ ჩვენი სამშობლო არ განთავისუფლდება. ჩვენი გვირი გვაფრთხილებს ყველას: არ ვინ იცის სვალენდელი დღე რის მომტანია. შეუფოთებულთა კაცობრიობა, ალელვებით ამოძრავებულთა. იგი დიდი გადამწყვეტი ამოცანის წინაშე სდგას, იმ ალაგას არის მაკდგარი. საიდანაც მეორე გამოსავალი აღარ არის და როდესაც ვინ იცის, საბოლოოთ უნდა გადაწყდეს ქართველთა ბედიც. თუ ეხლა არ შევერთდით, მაშინ აღიხლა, როდის! შევფიცოთ ამ ქართველთათვის წინადა საფლავს, რომ ამ ერთობას აღარ დავარღვევთ...

N.

### მოძრაობა კავკასიაში

გაზეთ «დნი»ს ატყობინებენ, რომ ანტიბოლშევიკური მოძრაობა კავკასიაში ისევ გრძელდება. მთელი ზაფხული მოანდომეს ბოლშევიკებმა აჯანყებულთა «ბანდების» ლიკვიდაციას, რაც ადვილი არ იყო. რადგან ბევრმა მუშაობენი მეტად დიდს წინამძღვრობას უწევდენ მთავრობის ჯარებს: საქართველოში მოძრაობა ძლიერი იყო ბორჩალოსა და აჭარაში. ამ უკანასკნელ მხარეში მოქმედობდა მეტად კარგად მოწყობილი რაზმი, რომელსაც ბოლშევიკებმა ვერაფერი მოუხერხეს. ბოლოს ასეთს ხერხს მიმართეს: დაშველსა და შიშველს ხალხს პური და მანუფაქტურა მოუტანეს. მოქრთამეს და გამცემლების დახმარებით დიმიორჩილეს აჯანყებულთა რაზმი. აჯანყებულთა ლიკვიდაციას კვლავ მოყვა საშინელი რეპრესიები, მრავალი დაატუსაღეს და გადაასახლეს რუსეთში. მაგრამ სიწყინარე დიდხანს არ გაგრძელებულა და შემოდგომის დასაწყისში მოძრაობა ისევ განახლდა სომხეთსა და აზერბეიჯანში.

### პ რ მ ს ს ა

### ს ა ქ ა რ თ ვ ე ლ ო ს ა მ ბ ე ბ ი

(ქუნალ-გახეობიდან)

მარტვილის რაიონში (სამეგრელო) გეოლოგმა პარტიანმა აღმოაჩინა ქვანახშირის, მარგანეცის და სპილენძის საბადოები და სამკურნალო წყლები და ტალახი. — ხევში აღმოაჩინეს ტყვიის, სპილენძის, თუთიის და გოგირდოვანის რკინის ახალი საბადოები.

— დაიწყეს მუშაობა სვირბალდადის რკინის გზის გასაყვანად.

— სახელმწიფო ოპერის დირექციამ დაუკვეთა შ. დადიანს «არსენა ოქლაშვილის» საოპერო ლიბრეტო. მუსიკას სწერს ახალგაზდა კომპოზიტორი ანდ. ბალანჩივაძე.

— სიღნაღის რაიონში 16 სექტემბერს მოსულმა სტრეკვამ მთლიანად გაანადგურა ანაგის და ვაჭირის ვიხანის მოსავალი. განადგურებულია აგრეთვე თამბაქო 44 და ბამბა 185 ჰექტარი.

— კომუნ. პარტიიდან გამორიცხეს ვ. ხომერიკი, ქაღესხავეი, მ. ცინცაძე და ვლ. თოდრია. უკანასკნელს აბრალდებენ, რომ იგი ძველი ტროცკისტია და «კვლავ დაადგა პარტიასთან ბრძოლის გზას თავის ან-ინიმურ წერილებში (პროკლამაციებში), აგრეთვე მთელ რიგ ორგანიზაციებისთვის გაგზავნილ ოფიციალურ წერილებში იმეორებდა ტროცკისტულ ცილისწამებას საბჭოთა კავშირში პროლეტარული დიქტატურის უარყოფის, პარტიის გადაგვარების შესახებ და სხვა შეხედულებებს და იდეებს ტროცკისტულ არსენალიდან».

კავკასიის მთიელთა ქურნალ «გორცი კავკასიის» მე-31 ნომერში მოთავსებულია თარგმანი «ბრძოლის ხმის» მთაური წერილის «მოსკოვი და ანგორა», რომელიც შემოკლებით ჩვენც გვქონდა გადმობეჭდილი (დამ. საქ. №79). ქურნალის რედაქცია თავის მხრით ასეთს შესავალს უკეთებს ქართულ წერილს: «წერილი ეხება თურქეთ საბჭოების ურთიერთობას, რომელიც იზმეტ-ფაშის დეოლეგაციის მოსკოვში ყოფნის შემდეგ კიდევ უფრო ააშკარავებს დაახლოვების ტენდენციას. ეს ფაქტი განხილულია საქართველოს და საერთოდ კავკასიის ინტერესების თვალსაზრისით და თუ მივიღებთ მხედველობაში ორგანოს, სადაც მოთავსებულია წერილი, ცხადია, რომ საქმე გვაქვს საქართველოს ეროვნულ ცენტრის და მთავრობის შეხედულებასთან. წერილი ანალიზს აკეთებს აგრეთვე თურქეთის მომავლის ინტერესების მიხედვით, თუ რამდენად მისანწყონილია თურქეთის საშინაო და საგარეო პოლიტიკის საბჭოთაფილური მიდრეკილება. არსებითად ჩვენ ვიზიარებთ წერილის დებულებას და შიშს თურქეთის მომავლის და თურქეთ-კავკასიის ურთიერთობის შესახებ, ხოლო ჩვენის მხრით ვსვამთ კითხვას: არ გამოიწვიო, არ შეუწყო ხელი თურქეთის პოლიტიკას ჩვენმა შინაურმა მოუწყობლობამ ახლო წარსულში? იმან რომ არ გვქონდა ერთი მტკიცე კავკასიური პოლიტიკა და ცალკალკე ვმოქმედობდით, ხშირად ერთიმეორის წინამძღვე, სომხები, აზერბეიჯანელები, ქართველები და მთიელები?

თითქმის 12 მილ. კავკასიელთა გაერთიანებული ნებისყოფა გააფრთხილებდა თურქეთს, რათა არ გადაედგა ნაბიჯები, რომელთა წარმოშვეს მისი დღევანდელი რუსოფილური პოლიტიკა».